

6244
:85

戒佚欲

歷代名臣奏議

卷一百九十三
之一百九十四

歷代名臣奏議卷之一百九十三

戒佚欲

魯隱公五年。公將如棠觀魚者。臧僖伯諫曰。凡物不足以講大事。其材不足以備器用。則君不舉焉。君將納民於軌物者也。故講事以度軌量。謂之軌。取材以章物。采謂之物。不軌不物。謂之亂政。亂政亟行。所以敗也。故春蒐。夏苗。秋獮。冬狩。皆於農隙以講事也。三年而治兵。入而振旅。歸而飲至。以數軍實。昭文章。明貴賤。辨等列。順少長。習威儀也。鳥獸之肉。不登於俎。皮革齒牙。骨角毛羽。不登於器。古之制也。若夫山林川澤之寶。器用之資。阜隸之事。官司之守。非君所及也。公曰。吾將略地焉。遂往陳魚而觀之。

宣公以夏月濫於泗淵。聖革斷其罟而棄之。曰。古者大寒降。土螿發。水虞於是乎講罟罾。取名魚。登川禽。而嘗之。寢廟行諸國人。助宣氣。

也。鳥獸孕。水蟲成。獸虞於是乎禁罝羅。藉魚鼈以為夏禘。助生阜也。鳥獸成。水蟲孕。水虞於是乎禁罝羅。設罝鄗以實廟庖。畜功用也。且夫山不槎蘗。澤不伐天。魚禁罝羅。獸長麋鹿。鳥翼鼓卵。蟲舍蟻塚。著庶物也。古之訓也。今魚方別孕。不教魚長。又行網罟。會無藝也。公聞之曰。吾過而里革匡我。不亦善乎。

晉文公出田。逐獸。入大澤。迷不知所出。其中有漁者。文公謂曰。我若君也。道安從出。我且厚賜。若漁者曰。臣願有獻。公曰。出澤而受之。於是遂出澤。公令曰。子之所以教寡人者何等也。願受之。漁者曰。鴻鵠保河海之中。厭而欲移徙之小澤。則必有丸繒之憂。鼉鼉保深淵。厭而出之淺渚。則必有羅網釣射之憂。今君逐獸。入至此。何行之太速也。文公曰。善哉。請從者記漁者名。漁者曰。君何以名為。君其尊天事地。敬社稷。國四國。慈愛萬民。薄賦歛。輕租稅者。臣亦與焉。君不

訪社稷。不固四國。外失禮於諸侯。內逆民心。一國流亡。照者雖得厚賜。不能保也。遂辭不受。曰。君亟歸國。臣亦反吾漁所。

魏絳對晉侯

悼公

曰。昔有夏之方衰也。后羿自鉅遷于窮石。因夏民以

代夏政。恃其射也。不脩民事。而淫于原獸。棄武羅。伯困。熊髡。龍圍。而用寒浞。寒浞伯明氏之諛子弟也。伯明后寒棄之。夷羿收之。信而使之以為己相。浞行媚于內。而施賂于外。愚弄其民。而虞羿于田。樹之詐。慝以取其國家。外內咸服。羿猶不悛。將歸自田。家衆殺而亨之。以食其子。其子不忍食諸。死于窮門。靡奔有鬲氏。浞因羿室。生澆及豷。恃其讒慝。詐偽而不德于民。使澆用師。滅斟灌及斟尋氏。處澆于過。處豷于戈。靡自有鬲氏。收二國之燼。以滅浞。而立少康。少康滅澆于過。后行滅豷于戈。有窮由是遂亡。夫人故也。昔周辛甲之為太史也。命百官。官箴王闕。於虞人之箴曰。芒芒禹迹。畫為九州。經啓九道。民有

寢廟獸有茂草。各有攸屬。德用不擾。在帝夷羿。冒于原獸。忘其國恤。而思其鹿牡。武不可重。用不恢于夏家。獸臣司原。敢告僕夫。虞虞如。是可不懲乎。於是晉侯好田。故魏絳及之。

楚莊王即位三年不出號令。日夜為樂。令國中曰。有敢諫者死無赦。伍舉入諫。莊王左抱鄭姬。右抱越女。坐鍾鼓之間。伍舉曰。願有進。應其意。曰。有鳥在於阜。三年不蜚不鳴。是何鳥也。莊王曰。三年不蜚。蜚將冲天。三年不鳴。鳴將驚人。舉退矣。吾知之矣。居數月。淫益甚。大

夫蘇從乃入諫。王曰。若不聞令乎。對曰。殺身以明君。臣之願也。於是乃罷淫樂。聽政。所誅者數百人。任伍舉。蘇從以政。國人天說。

靈王狩于州來。次于乾谿。右尹子革夕。王與之語。曰。昔我先王熊繹與呂級。王孫牟。爰父。禽父。並事康王。四國皆有分。我獨無有。今吾使人於周。求鼎以為分。王其與我乎。對曰。與君王哉。昔我先王熊繹。辟

在荆山。單路藍縷。以處草莽。跋涉山林。以事天子。唯是挑弧棘矢。以共禦王事。齊王舅也。晉及魯衛。王母弟也。楚是以無分。而被皆有。今周與四國服事君王。將唯命是從。豈其愛鼎。王曰。昔我皇祖伯父昆吾。舊許是宅。今鄭人貪賴其田。而不我與。我若求之。其與我乎。對曰。與君王哉。周不愛鼎。鄭敢愛田。王曰。昔諸侯遠我。而畏晉。今我大城陳蔡。不羹。賦皆千乘。子與有勞焉。諸侯其畏我乎。對曰。畏君王哉。是四國者。專足畏也。又加之以楚。敢不畏君王哉。王入。析父謂子革。吾子楚之望也。今與王言如響。國其若之何。子革曰。摩厲以須。王出。吾刃將斬矣。王出。左史倚相趨過。王曰。是良史也。是能讀三墳五典。八索九丘。對曰。臣嘗問焉。昔穆王欲肆其心。周行天下。將皆必有車轍馬跡焉。祭公謀父作祈招之詩。以止王心。王是以獲沒於概宮。臣問其詩而不知也。若問遠焉。其焉能知之。王曰。子能乎。對曰。能。其詩曰。

祈招之惜惜。式昭德音。思我王度。式如玉。式如金。形民之力。而無醉飽之心。王揖而入。饋不食。寢不寐。數日不能自克。以及於難。仲尼曰。古者有志。克己復禮。仁也。信是哉。楚靈王若能如此。豈其辱於乾谿。

昭王欲之。荆臺游。司馬子綦進諫曰。荆臺之游。左洞庭之陂。右彭蠡之水。南望獵山。下臨方淮。其樂使人遺老而忘死。人君遊者。盡以忘其國。願大王勿往遊焉。王曰。荆臺乃吾地也。有地而游之。子何為絕我游乎。怒而擊之。於是令尹子西駕安車。駟馬徑於殿下。曰。今日荆臺之遊。不可不觀也。王登車而拊其背曰。荆臺之遊。與子共樂之矣。步馬十里。引轡而止。曰。臣不敢下車。願得有道。大王肯聽之乎。王曰。第言之。令尹子西曰。臣聞之。為人臣而忠其君者。爵祿不足以賞也。為人臣而諛其君者。刑罰不足以誅也。若司馬子綦者。忠臣也。若臣

者。諛臣也。願大王殺臣之軀。罰臣之家。而釋司馬子綦。王曰。若我能止聽。公子獨能禁我游耳。後世游之。無有極時。奈何。令尹子西曰。欲禁後世。易耳。願大王山陵崩。陔為陵於荆臺。未嘗有持鍾鼓管絃之樂。而游於父之墓上者也。於是王還車。卒不游荆臺。令罷先置孔子。從魯聞之。曰。美哉。令尹子西。諫之於十里之前。而權之於百世之後者也。

莊辛諫襄王曰。君王左州侯。右夏侯。從新安君。與壽陵君。同軒淫。行侈靡。而忘國政。郢其危矣。王曰。先生老僂歟。妄為楚國妖歟。莊辛對曰。臣非為楚妖。誠見之也。君王卒近此四子者。則楚必亡矣。辛請留於趙以觀之。於是。不出十月。王果亡。巫山江漢鄢郢之地。於是王乃使召莊辛。至趙。辛至。王曰。嘻。先生來邪。寡人以不用先生言。至于此。為之奈何。莊辛曰。君王用辛言則可。不用辛言。又將甚乎。此庶人有

稱曰。亡羊而固牢。未為遲見。兔而呼狗。未為晚。湯武以百里王。桀紂以天下亡。今楚雖小。絕長離。短以千里數。豈特百里哉。且君王獨不見夫青蛉。六足四翼。蜚翔乎天地之間。求蚊虻而食之。時甘露而飲之。自以為無患。與民無爭也。不知五尺童子。膝絲竿。加之乎四仞之上。而下為蟲。蛾食已。青蛉猶其小者也。夫爵。僂。啄白粒。仰棲茂樹。鼓其翼。奮其身。自以為無患。與民無爭也。不知公子王孫。左把彈。右攝丸。定操持。審參連。故晝遊乎茂樹。夕和乎酸醎。爵猶其小者也。鴻鵠嬉遊乎江漢。息留乎大沼。俛啄鰕鯉。仰奮陵衡。脩其六翮。而陸清風。庶搖高翔。一舉千里。自以為無患。與民無爭也。不知弋者。選其引弩。備其防翳。加繒繳其頸。投乎百仞之上。引纖繳。揚微波。折清風。而殞。故朝遊乎江河。而暮調乎鼎俎。鴻鵠猶其小者也。蔡侯之事故是也。蔡侯南遊乎高陵。北徑乎巫山。遂糜麋鹿。殞於子隨。時鳥嬉遊

乎高蔡之國。溢滿無涯。不以國家為事。不知子發受令。宣王。厄以淮水。填以巫山。庚子之朝。纓以朱絲。臣而奏之乎宣王也。蔡侯之事。猶其小也。今君王之事。遂以左州侯。右夏侯。從新安君。與壽陵君。淫衍侈靡。康樂遊娛。馳騁乎雲夢之中。不以天下與國家為事。不知穰侯方與秦王謀。寘之以黽。厄而投之乎黽塞之外。而襄王大懼。形體悼栗。曰。謹受令。乃封莊辛為成陵君。而用計焉。

齊景公飲酒而樂。釋衣冠。自鼓缶。謂侍者曰。仁人亦樂是夫。梁丘子曰。仁人耳目亦猶人也。奚為獨不樂此也。公曰。速駕迎晏子。晏子朝服以至。公曰。寡人甚樂此樂也。願與夫子共之。請去禮。晏子對曰。君之言過矣。齊國五尺之童子。力盡勝嬰。而又勝君。所以不敢亂者。畏禮也。上若無禮。無以使其下。下若無禮。無以事其上。夫糜鹿唯無禮。故父子同麀。人之所以貴於禽獸者。以有禮也。詩曰。人而無禮。胡不

遍死。故禮不可去也。公曰：寡人無良左右，淫酒寡人，以至於此，請殺之。晏子曰：左右何罪？君若好禮，左右有禮者至，無禮者去。君若惡禮，亦將如之。公曰：善。請革衣冠，更受命，乃廢酒而更尊，朝服而坐，觴三行。晏子趨出。

景公為臺，臺成，又欲為鍾。晏子諫曰：君不勝欲為臺，今復欲為鍾，是重斂於民，民之哀矣。夫斂民之哀而以為樂，不祥。景公乃止。

景公遊於海上而樂之。六月不歸，令左右曰：敢有先言歸者，致死不赦。顏燭趨進諫曰：君樂治海上，而六月不歸，彼儻有治國者，君且安得樂此海也？景公援戟將斫之。顏燭趨進撫衣待之曰：君奚不斫也？昔者桀殺關龍逢，紂殺王子比干，君之賢非此二主也。臣之材亦非此二子也。君奚不斫？所以臣參此二人者，亦不可乎？景公說，遂歸中道，聞國人謀不內矣。

吳王欲從民飲酒，伍子胥諫曰：不可。昔白龍下清冷之淵，化為魚，漁者豫且射中其目。白龍上訴天帝，天帝曰：當是之時，若安，豈而形？白龍對曰：我下清冷之淵，化為魚，天帝曰：魚固人之所射也。若是，豫且何罪？夫白龍，天帝貴畜也。豫且，宋國賤臣也。白龍不化，豫且不射，今棄萬乘之位，而從布衣之士飲酒，臣恐其有豫且之患矣。王乃止。

魏文侯見箕季，其墻壞而不築。文侯曰：何為不築？對曰：不時。其墻枉而不端。問曰：何不端？曰：固然。從者食其園之桃，箕季禁之。少焉，日晏，進糲餐之食。瓜瓠之羹，文侯出，其僕曰：君亦無得於箕季矣。曩者進食，臣竊窺之，糲餐之食，瓜瓠之羹，文侯曰：吾何無得於季也？吾一見季而得四焉。其墻壞不築，云待時也。教我無奪農時也。墻枉而不端，對曰：固然者，是教我無侵封疆也。從者食園桃，箕季禁之，豈愛桃哉？是教我下無侵上也。食我糲餐者，季豈不能具五味哉？教我無多飲。

於百姓以省飲食之養也。

梁王魏嬰觴諸侯於范臺酒酣請魯君舉觴魯君與避席擇言曰昔者帝女令儀狄作酒而美進之禹禹飲而甘之遂疏儀狄絕旨酒曰後世必有以酒亡其國者齊桓公夜半不覺易牙乃煎鰾燔炙和調五味而進之桓公食之而飽至旦不覺曰後世必有以味亡其國者晉文公得南之威三日不聽朝遂推南之威而遠之曰後世必有以色亡其國者楚王登強臺而望崩山左江而右湖以臨彷徨真樂忘死遂盟強臺而弗登曰後世必有以高臺陂池亡其國者今主君之尊儀狄之酒也主君之味易牙之調也左白台而右間須南威之美也前夾林而後蘭臺強臺之樂也有一如此足以亡其國今主君兼此四者可無戒歟梁王稱善相屬

漢高帝初為沛公至咸陽秦王子嬰降沛公沛公入秦宮宮室帷帳

狗馬重寶婦女以千數意欲留居之樊噲諫沛公出舍沛公不聽張良曰夫秦為無道故沛公得至此夫為天下除殘賊宜縞素為資今始入秦即安其樂此所謂助桀為虐且忠言逆耳利於行毒藥苦口利於病願沛公聽樊噲言沛公乃還軍霸上

文帝從霸陵上欲西馳下峻阪中郎袁盎攔轡上曰將軍怯邪盎言曰臣聞千金之子不垂堂百金之子不騎衡聖主不乘危不徼幸今陛下騁六飛馳不測山有如馬驚車敗陛下縱自輕奈高廟太后何上乃止

武帝時司馬相如從帝至長楊獵是時天子方好自擊熊豕馳逐羣獸相如因上疏諫其辭曰臣聞物有同類而殊能者故力稱烏獲捷言慶忌勇期賁育臣之愚竊以為人誠有之獸亦宜然今陛下好陵阻險射猛獸卒然遇逸材之獸駭不存之地不存不可得安存也犯屬車之清塵

起更衣。因罷出。

東漢光武嘗出獵。車駕夜還。上東門候。郅憚拒關不開。帝命從者見面於門間。憚曰。火明遼遠。遂不受詔。帝乃廻從東中門入。明日憚上書諫曰。音文王不敢繫于游田。以萬民為憂。而陛下遠獵山林。夜以繼晷。其如社稷宗廟何。暴虎馮河。未至之戒。誠小臣所竊憂也。書奏。賜布百匹。貶東中門候為參封尉。

安帝永寧元年。西南夷。憚國王獻樂。及幻人能吐火。自支解。易牛馬頭。明年元會。作之於庭。帝與羣臣共觀。大奇之。諫議大夫陳禪獨離席。舉手大言曰。昔齊魯為夾谷之會。齊作侏儒之樂。仲尼誅之。又曰。放鄭聲。遠佞人。帝王之庭。不宜設夷狄之技。尚書陳忠劾奏。禪曰。古者合歡之樂。舞於堂。四夷之樂。陳於門。故詩云。以雅以南。鞞任朱離。今憚國越流沙。踰懸度。萬里貢獻。非鄭衛之聲。任人之比。而禪廷訕。

朝政。請劾禪下獄。有詔勿收。左轉為玄菟候。城障尉。詔敢不之官。上妻子從者名。禪既行。朝廷多訟之。

桓帝延熹八年。賢良方正劉瑜上書曰。臣瑜自念東國鄙陋。得以豐沛枝胤。被蒙復除。不給卒伍。故太尉楊秉。知臣竊闕典籍。猥見顯舉。誠冀臣愚直。有補萬一。而秉忠謨不遂。命先朝露。臣在下土。聽聞歌謠。驕臣虐政之事。遠近呼嗟之音。竊為辛楚。泣血連如。幸得引錄。備荅聖問。世寫至情。不敢庸回。誠願陛下。且以須臾之慮。覽今往之事。人何為咨嗟。天曷為動變。蓋諸侯之位。上法四七。五世文炳。燿關世盛。衰者也。今中官邪孽。比肩裂土。皆競立胤嗣。繼體傳爵。或乞子踈屬。或買兒市道。殆乖開國承家之議。古者天子一娶九女。娣姪有序。河圖授嗣。正在九房。今女嬖令色。充積閨帷。皆當盛其玩飾。冗食空宮。勞散精神。生長六疾。比國之費也。生之傷也。且天地之性。陰陽正紀。

隔絕其道。則水旱為并。詩云。五日為期。六日不詹。怨曠作歌。仲尼所錄。况從幼至長。幽藏歿身。又常侍黃門。亦廣妻娶。怨毒之氣。結成妖眚。行路之言。官發略人。女娶而復置。轉相驚懼。孰不悉然。無緣空生此謗。鄒衍匹夫。紀氏匹婦。尚有城崩霜隕之異。况乃羣輩咨怨。能無感乎。昔秦作阿房。國多刑人。今第舍增多。窮極奇巧。掘山攻石。不避時令。促以嚴刑。威以正法。民無罪而覆入之。民有田而覆奪之。州郡官府。各自考事。姦情賂賂。皆為吏餌。民愁鬱結。起入賊黨。官輒興兵。誅討其罪。貧困之民。或有賣其首級。以要酬賞。父兄相代。殘身妻帑。相見分裂。窮之如彼。伐之如此。豈不痛哉。又陛下以北辰之尊。神器之寶。而微行近習之家。私幸宦者之舍。賓客市買。熏灼道路。因此暴縱。無所不容。今三公在位。皆博達道藝。而各正諸已。莫或匡益者。非不智也。畏死罰也。惟陛下設置七臣。以廣諫道。及開東序。金滕史官之書。從堯舜禹湯文武致興之道。遠佞邪之人。放鄭衛之聲。則政致和平。德感祥風矣。

帝嘗校獵廣成。遂至上林苑。光祿勳陳蕃上疏諫曰。安平之時。遊畋宜有節。况今有三空之厄哉。田野空。朝廷空。倉庫空。加之兵戎未戢。四方離散。是陛下焦心毀顏。坐以待旦之時也。豈宜揚旗耀武。騁心輿馬之觀乎。又前秋多雨。民始種麥。今失其勸種之時。而令給驅禽除路之役。非聖賢恤民之意也。書奏不省。

靈帝好微行遊幸外苑。司徒楊賜上疏曰。臣聞天生烝民。不能自理。故立君長。使司牧之。是以唐虞兢兢業業。周文日昃不暇。明慎庶官。俊乂在職。三載考績。以觀厥成。而今所序用。無他才德。有形執者。旬日累遷。守真之徒。歷載不轉。勞逸無別。善惡同流。北山之詩。所為訓作。又聞數微行出幸苑囿。觀鷹犬之執。極樂遊之荒。政事日墮。大化

陵遲陛下不顧二祖之勤止。追慕五宗之美蹤。而欲以望太平。是猶曲表而欲直景。卻行而求及前人也。宜絕慢傲之戲。念官人之重。割用板之恩。慎貫魚之次。無令醜女有四殆之歎。遐邇有忿怨之聲。臣受恩偏特。忝任師傅。不敢自同凡臣。括囊避咎。謹自手書密上。

蜀後主時。譙周上疏曰。昔王莽之敗。豪傑並起。跨州據郡。欲弄神器。於是賢才智士。思望所歸。未必以其勢之廣狹。惟其德之薄厚也。是故於時更始。公孫述。及諸有大衆者。多已廣大。然莫不快情恣欲。急於為善。游獵飲食。不恤民物。世祖初入河北。馮異等勸之曰。當行人所不能為。遂務理冤獄。節儉飲食。動遵法度。故北州歌歎。聲布四遠。於是鄧禹自南陽追之。吳漢寇恂未識世祖。遙聞德行。遂以權計舉。漁陽上谷。突騎迎于廣阿。其餘望風慕德者。邛貊耿純。劉植之徒。至于輿病齋棺。襁負而至者。不可勝數。故能以弱為強。屠王郎。吞銅馬。

折赤眉而成帝業也。及在洛陽。嘗欲小出。車駕已御。鈇期諫曰。天下未寧。臣誠不願陛下無行。數出。即時還車。及征隗囂。潁川盜起。世祖還洛陽。但遣寇恂往。恂曰。潁川以陛下遠征。故奸猾起叛。未知陛下還恐不時降。陛下自臨潁川。賊必即降。遂至潁川。竟如恂言。故非急務。欲小出不敢。至於急務。欲自安不為。故帝者之欲善也如此。故傳曰。百姓不徒附。誠以德先之也。今漢遭厄運。天下三分。雄哲之士。思望之時也。陛下天安。至孝喪踰三年。言及隕涕。雖曾閔。不過也。故賢任才使之盡力。有踰成康。故國內和一。大小戮力。臣所不能。陳然臣不勝大願。願復廣人所不能者。夫輓大重者。其用力苦不衆。拔大艱者。其善術苦不廣。且承事宗廟者。非徒求福祐。所以率民尊上也。至於四時之祀。或有不臨。池苑之觀。或有仍出。臣之愚滯。私不自安。天憂責在身者。不暇盡樂。先帝之志。堂構未成。誠非盡樂之時。願省減

樂官後宮所增造。但奉脩先帝所施。下為子孫節儉之教。

魏文帝為太子時。耽樂田獵。晨出夜還。任城棧潛督守鄴城。諫曰。王公設險以固其國。都城禁衛。用戒不虞。大雅云。宗子維城。無俾城壞。又曰。猶之未遠。是用大諫。若逸于游田。晨出昏歸。以一日從禽之娛。而忘無垠之費。愚竊惑之。太子不悅。然自後游出。差於簡。

文帝時。蘇則為侍中。帝獵槎桎。拔失鹿。大怒。踞牀。拔刀悉收督吏。將斬之。則稽首曰。臣聞古之聖王。不以禽獸害人。今陛下方隆唐堯之化。而以獵戲多殺群吏。愚臣以為不可。敢以死請。帝曰。外直臣也。遂皆赦之。

文帝問侍中蘇則曰。前破酒泉張掖。西域通使。燉煌獻徑寸大珠。可復求市。益得否。則對曰。若陛下化洽中國。德流沙碛。即不求自至。而得之。不足貴也。帝默然。

文帝頗出遊獵。御史大夫王朗上疏曰。夫帝王之居。小則飾周衛。內則重禁門。將行則設兵。而後出幄。稱警。而後踐墀。張道而後奉引。遮列而後轉轂。靜室而後息駕。皆所以顯至尊。務戒慎。垂法教也。近日車駕出臨。捕虎日晏而行。及昏而反。違警蹕之常法。非萬乘之至慎也。帝報曰。覽表雖魏絳稱虞箴。以諷晉悼。相如陳猛。獸以戒漢武。未足以喻方今二寇未殄。將帥遠征。故時入原野。以習戎備。至於夜還之戒。已詔有司施行。

文帝出獵。駙馬都尉兼侍中鮑勛上疏曰。臣聞五帝三王。靡不明本立教。以孝治天下。陛下仁聖惻隱。有同古烈。臣冀當繼蹤前代。令萬世可則也。如何在諒闇之中。情馳騁之事乎。臣冒死以聞。唯陛下察焉。帝手毀其表。而競行獵。中道頓息。問侍臣曰。獵之為樂。何如八音也。侍中劉曄對曰。獵勝於樂。勛抗辭曰。夫樂上通神明。下和人理。隆

治致化萬邦咸乂。故移風易俗莫善於樂。况獵暴華蓋於原野。傷生
育之至理。梯風沐雨不以時隙哉。昔魯隱觀漁於棠。春秋譏之。雖陸
下以為務。愚臣所不願也。

明帝時。大興殿舍。百姓勞役。廣采衆女。充盈後宮。後宮皇子連夭。繼
嗣未育。廷尉高柔上疏曰。二虜狡猾。潛自講肄。謀動干戈。莽圖東手。
宜畜養將士。繕治甲兵。以逸待之。而頃興造殿舍。上下勞擾。若使吳
蜀知人虛實。通謀并勢。復俱送死。甚不易也。昔漢文惜十家之資。不
營小臺之娛。去病慮匈奴之害。不遑治第之事。况今所損者非惟百
金之費。所憂者非徒北狄之患乎。可粗成見所營立。以充朝宴之儀。
訖罷作者。使得就農。二方平定。復可徐興。昔軒轅以二十五子傳祚。
彌遠。周室以姬國四十歷年。滋多。陛下聰達窮理。盡性而頃。皇子連
多夭。逝。熊羆之祥。又未感應。羣下之心。莫不悒戚。周禮天子后妃以

下百二十人。嬪嬙之儀。既以盛矣。竊聞後庭之數。或復過之。聖嗣不
昌。殆恐由此。臣愚以為可妙簡淑媛。以備內官之數。其餘盡遣還家。
且以育精養神。專靜為寶。如此。則螽斯之徵可庶而致矣。帝報曰。知
卿忠允。乃心王室。輒克昌言。他復以聞。

時光祿勳高堂隆上疏曰。三代之有天下。歷數百載。尺土一民。莫非
其有。然癸辛從欲。皇天震怒。宗國為墟。紂梟白旗。桀放鳴條。天子之
尊。湯武有之。豈伊異人。暨明王之胄也。黃初之際。天兆其戒。異類之
鳥。育長燕巢。此大異也。宜防鷹揚之臣。於蕭牆之內。可選諸王使典
兵。秦時鎮撫皇畿。翼亮帝室。夫皇天無親。唯德是輔。民誅德政。則延
期過歷。下有怨嘆。則輟祿授能。由此觀之。天下乃天下之天下。非獨
陛下之天下也。帝手詔慰勞之。

吳大帝為車騎將軍時。每田獵。常乘馬射虎。虎嘗突前。攀持馬鞍。長

史張昭變色而前曰。將軍何有當爾。夫為人君者。謂能駕御英雄。驅使羣賢。豈謂馳逐於原野。校勇於猛獸者乎。如有一旦之急。奈天下笑何。

帝又於武昌臨釣臺飲酒大醉。使人以水灑羣臣曰。今日酣飲。惟醉墮臺中乃當止耳。綏遠將軍張昭正色不言。出外車中生。帝遣人呼昭還。謂曰。為共作樂耳。公何為怒乎。昭對曰。昔紂為糟丘酒池。長夜之飲。當時亦以為樂。不以為惡也。帝默然有慙色。遂罷酒。

晉武帝太康末。頗親宴樂。又多疾病。屬小瘳。侍中華嶠與侍臣表賀。因微諫曰。伏惟聖體漸就平和。上下同慶。未覺抃舞。臣等愚意。竊有微懷。以為收功於所忽事。乃無悔慮。福於垂成。祚乃日新。唯願陛下深垂聖明。遠思所忽之悔。以成日新之福。沖靜和氣。善養精神。願身於清簡之宇。留心於虛曠之域。無厭世俗常戒。以忽羣下之言。則豐

慶日延。天下幸甚。

宋明帝畋游無度。嘗出夜還。敕開門。侍中謝莊居守。以蔡信或虛。執不奉旨。須墨敕乃開。帝曰。卿欲效君章邪。對曰。臣聞王者祭祀畋遊。出入有節。今陛下晨往宵歸。臣恐不逞之徒。妄生矯詐。是以伏須神筆。乃開門耳。

漢主劉聰游獵無度。嘗晨出暮歸。觀漁於汾水。以燭繼晝。中軍王彰諫曰。今大難未夷。餘晉假息。陛下不懼白龍魚服之禍。而昏夜忘歸。陛下當思先帝創業之艱難。嗣承之不易。鴻業已爾。四海屬情。何可墜之於垂成。隳之於將就。比竊觀陛下所為。臣實痛心疾首。有日矣。且愚人係漢之心未專。而思晉之懷猶盛。劉琨去此咫尺之間。狂狷刺客息頃而至。帝王輕出。一夫敵耳。願陛下改往脩來。則億兆幸甚。

齊武帝永明末。上將射雉。竟陵王子良諫曰。忽聞外議。伏承當更射雉。臣下情震越。心懷憂悚。猶謂疑妄。事不必然。伏度陛下以信心明照。故所以傾金寶於禪靈。仁愛廣洽。得使禽魚養命於江澤。豈惟國慶民懼。乃以翱翔治樂。夫衛生保命。人獸不殊。重軀愛體。彼我無異。故禮云。聞其聲不食其肉。見其生不忍其死。且萬衆之尊。降同匹夫之樂。天殺無辜。傷仁害福之本。菩薩不殺。壽命得長。施物安樂。自無恐怖。不惱衆生。身無患苦。臣見功德有此果報。所以日夜劬勤。厲身奉法。實願聖躬康御若此。每至寢夢。脫有異見。不覺身心立就焦爛。陛下常日捨財脩福。臣私心顛顛。尚恨其少。豈可今日見此事一損福業。追悔便難。臣此啓聞。私心實切。若是大事。不可易改。亦願陛下照臣此誠。曲垂三思。況此嬉遊之間。非關當否。而動輒傷生。實可深慎。臣聞子孝奉君。臣忠事主。莫不靈祇通感。徵佯證登。臣近段仰啓。賜希受戒。天心洞遠。誠未達勝善之途。而聖恩遲疑。尚未垂屣曲降尊極。豈可今月復隨此事。臣不噫心。即實上啓。

後魏文帝時。中書監高允上酒訓曰。臣被勅論集往世酒之敗德。以為酒訓。臣以朽邁。人倫所棄。而殊恩過隆。錄臣於將歿之年。勅臣於已墜之地。奉命驚惶。喜懼兼甚。不知何事可以上答。伏惟陛下以獻哲之姿。撫臨萬國。太皇太后以聖德之廣。濟育群生。普天之下。罔不稱賴。然日昃憂勤。虛求不已。思監往事。以為警戒。此之至誠。悟通百靈。而况於百官士民。不勝踴躍。謹竭其所見。作酒訓一篇。但臣愚短。加以荒廢。辭義鄙拙。不足觀採。伏願聖慈。體臣慙慙之情。恕臣狂瞽之意。其詞曰。自古聖王。其為饗也。玄酒在堂。而醑酒在下。所以崇本重原。降於滋味。雖汎爵旅行。不及於亂。故能禮章而敬不廢。事畢而儀不忒。非由斯致。是失其道。將何以範時軌。物垂之於世。歷觀往代成敗。

之效。吉凶由人。不在數也。商辛耽酒。殷道以之亡。公旦陳誥。周德以之昌。子反昏酣。而致斃。穆生不飲。而身光。或長世而為戒。或百代而流芳。酒之為狀。變感情性。雖曰哲人。孰能自競。在官者怠於政也。為下者慢於令也。聰達之士。荒於聽也。柔順之倫。興於爭也。久而不悛。致於病也。豈止於病。乃損其命。諺亦有云。其益如毫。其損如刀。言所益者止於一味之益。不亦寡乎。言所損者。天年亂志。天亂之損。不亦夥乎。無以酒荒。而陷其身。無以酒狂。而喪其倫。迷邦失道。流浪漂津。不師不遵。反將何因。詩不言乎。如切如磋。如琢如磨。朋友之義也。作官以箴之。申謨以禁之。君臣之道也。其言也善。則三復而佩之。言之不善。則哀矜而貸之。此實先王納規之意。往者有晉。士多失度。肆散誕以為不羈。縱長酣以為高達。諷酒之頌。以相眩曜。稱堯舜有千鍾百觚之飲。著非法之言。引大聖為譬。以則天之明。豈其然乎。且子思

有云。夫子之飲。不能一升。以此推之。千鍾百觚。皆為妄也。今大魏應圖重明。御世化之所暨。無思不服。仁風敦洽於四海。太皇太后以至德之隆。誨而不倦。憂勤備於皇情。誥訓行於無外。故能道協兩儀。功同覆載。仁恩下逮。罔有不遵。普天率土。靡不蒙賴。在朝之士。有志之人。宜克已從善。履正存貞。節酒以為度。順德以為經。悟奢飲之美。疾審敬慎之彌榮。遵孝道以致養。顯父母而揚名。蹈閔曾之前軌。遺仁風於後生。仰以答所授。俯以保其成。可不勉歟。可不勉歟。明帝時。張普惠以帝好游騁苑囿。不親視朝。過崇佛法。郊廟之事。多委有司。上疏切諫曰。陛下殖不思之真業。損巨費於生民。近供無事之僧。遠邀未然之報。未若收萬國之歡心。以事其親。使天下和平。災害不生也。伏願淑慎威儀。為萬邦式。躬致郊廟之虔。親臨朝望之禮。釋奠成均。竭心千畝。撤僧寺不急之華。還百官久折之秩。則節用愛

人。四海俱賴矣。

唐高祖初即位。萬年縣法曹孫伏伽上表曰。隋以惡聞其過亡天下。故陛下得之。然陛下徒知得之之易。而未知隋失之之難也。謂宜易其覆轍。務盡下情。凡人君言動。不可不慎。陛下今日即位。而明日有獻鷄雛者。此乃少年之事。豈聖主所須哉。又百戲散樂亡國淫聲。近太常於民間借婦女裙襦以充妓衣。擬五月五日玄武門遊戲。此亦非所以為子孫法也。夫善惡之習。漸染易移。太子諸王參僚左右。宜謹擇其人。有門風不睦。素無行義。專好奢靡。以聲色游獵為事者。皆不可近。自古骨肉乖離。以至敗亡。未有不因左右離間而然也。高祖大悅。下詔褒稱。擢為治書侍御史。賜帛三日。仍頒示遠近。

太宗即位。數出馳射。大理少卿孫伏伽諫曰。臣聞天子之居。禁衛九重。出也警。入也蹕。非且尊其居處。為社稷生人計也。比聞陛下走馬射帖。娛悅羣臣。殆非所以導養聖躬。垂憲後代。此且少年諸王務耳。安得既為天子尚行之事。竊為陛下不取。帝悅曰。卿能言朕失。朕能改之。天下庶有瘳乎。

太宗好田獵。秘書監虞世南上疏諫曰。臣聞秋獮冬狩。蓋惟恒典。射隼從禽。備乎前誥。伏惟陛下因聽覽之餘辰。順天道以殺氣。將欲摧斑碎掌。親御皮軒。盡驅獸之窟穴。盡逸材之林藪。夷凶剪暴。以衛黎元。收革擢羽。用充囿。舉旗效獲。式遵前古。然黃屋之尊。金輿之貴。八方之所仰德。萬里之所係心。清道而行。猶戒銜檠。斯蓋慎防微為社稷也。是以馬卿盡諫於前。張昭變色於後。臣誠細微。敢忘斯義。且天弧星畢。所殪已久。須禽賜獲。皇恩亦溥。伏願時息獵車。且韜長戟。不拒芻蕘之請。降詔吹澮之流。袒裼徒搏。任之羣下。貽範百季。永光萬代。太宗深嘉其言。

太宗時諫議大夫世長從獵涇陽大獲帝入旌門。訖左右曰今日
畋樂乎。世長曰陛下廢萬機事游獵不滿十旬未為樂也。帝色變既
而突曰狂態發邪。曰為臣計則狂為陛下計忠矣。時武功郿新經突
厥寇掠鄉聚凋虛。帝將遂獵武功。世長諫曰突厥向盜劫人。陛下赦
卹之言木出口。又獵其地。殆恐百姓不堪所求。帝不聽。

時民部尚書唐儉從獵洛陽苑。羣豕突出于林。帝射四發。輒殪四豕。
一豕躍及鐙。儉投馬搏之。帝拔劍斷豕。顧笑曰。天策長史不見上將
擊賊邪。何懼之甚。對曰。漢祖以馬上得之。不以馬上治之。陛下神武
定四方。豈復快心于一獸。帝為罷獵。

太宗嘗逐兔於後苑。將軍執失思力諫曰。天命陛下為華夷父母。奈
何自輕。上又將逐鹿。思力脫巾解帶跪而固諫。上為之止。

太宗嘗遣使至涼州。都督李大亮有佳鷹。使言獻之。大亮密表

曰。陛下久絕畋獵。而使者求鷹。若陛下之意深乖。昔首如其自擅。便是使
非其人。太宗下書曰。以卿兼資文武。志懷貞確。故委藩牧。當茲重寄。比在
州鎮。聲績遠彰。念此志勤。無忘寤寐。使遣獻鷹。遂不曲順。論今引古。遠獻
直言。披露腹心。非常懈到。覽用嘉歎。不能已已。有臣若此。朕復何憂。宜守
此誠。始終若一。詩云。靖共尔位。好是正直。神之聽之。介尔景福。古人稱一
言之重。侔於千金。卿之此言。深足貴矣。今賜卿金壺瓶。金碗各一枚。雖無
千鎰之重。是朕自用之物。卿立志方直。竭節至公。處朕當官。每副所委。方
大任使。以申重寄。公事之閑。宜觀典籍。賜卿荀悅漢記一部。此書敘致簡
要。論議深博。極為政之體。盡君臣之義。今以賜卿。宜亦尋閱。

太宗遣使西域立葉護可汗。又別使齎金帛。應諸國市馬。魏徵諫曰。今發
國使以立可汗為名。可汗未定。即緣諸國市馬。彼必以為意在市馬。不為
專立可汗。得立則不甚懷恩。不得立則以為深怨。諸蕃聞之。必不重中國。

馬市既不可得。縱得馬。亦還路無從。但使彼安寧。則諸國之馬不求自至矣。昔漢文帝有獻千里馬者。曰吾吉行日三十。凶行日五七。鑿與在前。屬車在後。吾獨乘千里馬。將以安之手。乃償其道路之費。而反之。漢元武有獻千里馬及寶劍者。馬以駕鼓車。劍以賜騎士。陛下見所施為。皆逸樂三王之工。奈何至於此事。欲為二帝之下乎。魏文帝欲求市西域大珠。蘇則曰。若陛下惠及四海。則珠不求自至。求得之。不足貴也。陛下如不能慕漢文之高。得不畏蘇則之言乎。太宗納其言。欣然而止。

高昌平。太宗欲以為州縣。徵諫曰。陛下初臨天下。高昌主先來朝謁。自後屢有稱其過絕。貢獻不禮。大國遂使王誅再加。若罪止文泰斯。亦可矣。未若因而撫之。而立其子。所謂伐罪吊人。威德被於遐外。為國之善者也。今若利其土壤。以為州縣。常須千餘兵鎮守。數年一易。每往交替。死者十有三四。遣辦水資。離別親戚。十年之後。隴右空虛。陛下終不得高昌撮穀尺

布。以助中國。所謂敢有用而事無用。臣未見其可。太宗不從。

時虢州統軍裴師利奏。諸山大有銀鑛。採之極有利益。勅殿中少監趙元楷。令諸國府衛士及百姓採之。類為勞擾。徵進諫曰。昔堯舜置壁於山。投珠於谷。所以崇名顯號。見稱千祀。陛下巍巍盛德。思與堯舜比隆。戡定大功。遠踰湯武之烈。所急在於仁義。且勞役衛士。與下爭利。人不見德。將何取焉。太宗深納之。即令停廢。

時益州及北門造綾錦金銀等作。徵諫曰。金銀珠玉妨農事者也。錦繡纂緝害女工者也。一夫不耕。天下有受其飢。一女不織。天下有受其寒。古人或投之深泉。或焚之通衢。而陛下好之。愚臣不勝其恥。

時新羅國獻美女。徵諫曰。臣昨在內。略聞新羅國重更進女。未委逗留。計蕃夷獻女。誠不足怪。但今日受納。實非其時。道路傳聞。必生橫議。若微厲聖德。悔不可追。且願詳擇事宜。以禮告示。申其使人誠款。必不得已。然後

遂其所欲則遠夷悅服。人無謗言。太宗喜形於色而遣之。

太宗問魏徵曰。觀近古帝王有傳位十代者。有一代兩代者。亦有身得身失者。朕所以常懷憂懼。或恐撫養生民不得其所。或恐心生驕逸。喜怒過度。然不能自知。卿可為朕言之。當以為措則。徵對曰。嗜欲喜怒之情。賢愚皆同。賢者能節之。不使過度。愚者縱之。多至失所。陛下聖德玄遠。居安思危。伏願陛下常能自制。以保克終之美。則萬代永賴。

太宗謂侍臣曰。朕聞西人愛珠。若得好珠。劈身藏之。侍臣咸曰。貪財損已。實為可嘆。太宗曰。勿唯嘆彼。今官人貪財不顧性命。身死之後。子孫被辱。何異西人之愛珠耶。帝王亦然。恣情放逸。勞後無度。信任羣小。疎遠忠正。有一於此。豈不滅亡。隋煬帝奢侈自賢。身死匹夫。為可嘆。徵對曰。臣聞魯哀公謂孔子曰。有人好忘者。移宅乃忘其妻。孔子曰。又有好忘者。甚於此。丘見桀紂之君。乃忘其身。太宗曰。朕與公等既知嘆人。今共相匡輔。庶免人嘆。

太宗謂侍臣曰。漢代常以八月。選洛陽中子女姿色端麗者。載還後宮。此不可為法。然即日宮內甚多。配役之口。使其誕乳。諸王是非。所宜據此論。選補宮列。理宜依禮。徵對曰。人多惑嬖色。乃致敗亂。周幽惑褒姒。晉獻惑驪姬。耽於寵欲。廢嫡立庶。幽王因此身死。遂喪西周。獻公身雖獲沒。禍延數代。嬪御之間。所宜深慎。上又謂侍臣曰。人有明珠。莫不貴重。若以彈雀。豈非可惜。况人之性命。甚於明珠。見金銀錢帛。不懼刑網。往即受納。乃是不惜性命。明珠是身外之物。尚不可彈雀。何況性命之重。乃以博財物耶。群臣若能備盡忠直。有益國利民。則官爵立至。若不能以此道求榮。遂妄受錢物。賄賂既露。其身必損。實為可嘆。帝王亦然。恣情放逸。勞後無度。信任群小。疎遠忠正。有一於此。豈不滅亡。隋煬帝奢侈自賢。身死匹夫之手。為可嘆。上又謂侍臣曰。朕嘗謂貪人不解愛財也。至如內外官五品已上。祿秩優厚。一年所得。其數自多。若受人財賄。不過數萬。一朝彰露。祿秩削奪。

此豈是解愛財物。是小得而大失者也。昔公儀休性嗜魚而不受人魚。其魚長存。且主貪必喪其國。為臣貪必忘其身。詩云。大風有隧。貪人敗類。固非謬言也。昔秦惠王欲伐蜀。不知其徑。乃刻五石牛。置金其後。蜀人見之。以為牛能便金。蜀王使五丁力士挽牛入蜀。道成。秦師隨而伐之。蜀國遂亡。漢大司農田延年贓賄三千萬。事覺自死。如此之流。何可勝記。朕今以蜀王為元龜。卿等亦須以延年為覆轍也。

太宗與黃門侍郎王珪宴語。時有羨人侍側。本廬江王瑗之姬也。瑗敗。籍沒入宮。太宗指珪曰。廬江不道。賊殺其夫而納其室。暴虐之甚。何有不亡者乎。珪避席曰。陛下以廬江取之。為是耶。為非耶。太宗曰。安有殺人而取其妻。卿乃問朕是非何也。珪對曰。臣聞於管子曰。齊桓公之郭國。問其父老曰。郭何故亡。父老曰。以其善善而惡惡也。桓公曰。如子之言。乃賢君也。何至於亡。父老曰。不然。郭君善善而不能用。惡惡而不能去。所以亡也。今此婦人尚在左右。臣竊以聖心為是也。陛下若以為非。所謂知惡而不去也。太宗大悅。稱為石一書。遂令美人還其親族。

太宗謂侍臣曰。朕有二喜一懼。比年豐稔。斗粟三錢。一喜也。北虜久服。邊鄙無虞。一喜也。治安則驕侈易生。驕侈則危亡立至。此一懼也。房玄齡奏。關武庫甲兵。遠勝隋世。上曰。甲兵武備。誠不可闕。然煬帝甲兵豈不足邪。卒亡天下。若公等盡力。使百姓乂安。此乃朕之甲兵也。上又謂侍臣曰。往昔初平京師。宮中美女珍玩。無院不滿。煬帝意猶不足。徵求無已。兼東西征討。窮兵黷武。百姓不堪。遂以亡滅。此皆朕所目見。故夙夜孜孜。唯欲清淨。使天下無事。遂得徑以位不興。年歲豐稔。百姓安樂。夫治國猶如栽樹。本根不搖。則枝葉茂。若君能清淨。百姓何得不安樂乎。太宗又謂侍臣曰。人主惟有一心。而攻之者甚眾。或以勇力。或以辯口。或以諂媚。或以姦邪。或以嗜慾。輒襲攻之。各

求自售以取寵祿。人主少懈而受其一。則危亡隨之。此其所以難也。又謂公卿曰。朕終日孜孜。非但憂憐百姓。亦欲使卿等長守富貴。天非不高地。非不厚。朕嘗兢兢業業。以畏天地。卿等若公卿小心奉法。常如朕畏天地。非但百姓安寧。自身常得驩樂。古人云。賢者多財損其志。愚者多財生其過。此言可以為深誡。若徇私壞公法。損百姓。縱事未發。聞中心豈不恒恐懼。恐懼既而致死。大丈夫豈得苟貪財物。以害身命。使子孫每懷愧耻耶。卿等宜深思此言。又謂侍臣曰。古人云。鳥棲於林。猶恐其不高。覆巢由貪餌故也。今大臣受委任。居高位。食厚祿。皆須履忠信。若無咎悔。長守富貴矣。陷其刑者。祇為貪冒財利。與鳥不鳥何異哉。卿等宜記此語。用為鑒戒。

工部尚書段綸奏進巧人楊思立等。上令試綸造進傀儡戲具。上詰綸曰。所造巧匠將供國事。卿令先造此物。是豈百工相戒無作奇巧之意邪。乃詔削綸階級。並斷此戲。高麗王高藏及莫離蓋蘇文遣使獻二美女。太宗謂其使曰。朕聞此女雖其父母兄弟於本國。若愛其色而傷其心。我不取也。並却還之本國。

諫議大夫谷那律嘗從出獵。在途遇雨。太宗因問曰。雨衣若為得不漏。對曰。能以瓦為之。必不漏矣。意欲太宗弗數遊畋也。太宗嘉納之。賜帛五十段。加以金帶。為之罷獵。

太宗巡幸東都。時高宗為皇太子監國。上手敕中書令兼左庶子薛元超曰。朕留卿若失一臂。願太子未習庶務。關中事卿悉專之。時以太子射獵。詔元超得入禁苑。太子稍怠政。元超諫曰。內苑之地。繚叢薄。冒騎蒼絕。磴險塗。殿下截輕禽。逐狡兔。衛

歷之變。詐無可虞。又戶奴多反。逆餘族。或夷狄遺醜。將何以禦哉。夫為人子者。不登高。不臨深。謂其近危辱也。天皇所賜書戒丁寧。惟殿下罷馳射之勞。留神墳典。豈不美歟。帝知之。遣使厚賜慰其意。

睿宗先天二年正月望夜。胡人婆陀請然百千燈。因犯門禁。又追賜元年醮。帝御延喜安福門縱觀。晝夜不息。閱月未止。右拾遺嚴挺之上疏諫。以為醮者。因人所利。合醮為歡也。不使靡敝。今暴衣冠。羅伎樂。雜鄭衛之音。縱倡優之玩。不深戒慎。使有司破倚下人罷劇。府縣里閭。課賦苛嚴。嗟道路質壞家產。以營百戲。擾方春之業。欲同其樂。而反遺之患。乃陳五不可。誠意忠到。帝納焉。

玄宗初即位。以開元元年二月然燈。大醮合樂。從上皇御門樓。以夜繼晝。凡月餘。晉陵尉楊相如上疏曰。隋氏以縱欲而亡。太宗以抑欲而昌。人主不可不慎擇也。夫人主莫不好忠正而惡佞邪。然忠正者常踈。佞邪者常親。以至於覆國亡身。而不悟何哉。忠正者多忤意。佞邪者多順旨。積忤生憎。積順生愛。此親踈之所以分也。誠能愛其忤。以收忠賢。惡其順。以去佞邪。則太宗之業。將何遠哉。夫法貴簡而能禁。罰貴輕而必行。小過不察。則無煩苛。大罪不漏。則止姦逆。使簡而難犯。寬而能制。則善矣。上覽而善之。

開元中。市舶使右威衛中郎將周慶立。造奇器以進。殿中侍御史柳澤上書曰。不見可欲。使心不亂。是知見可欲。而心必亂矣。慶立雕象。詭物。造作奇器。用浮巧為珍玩。以譎怪為異寶。乃治國之巨害。明王所宜嚴罰者也。昔露臺無費。明君不忍。象著非大。忠臣憤歎。慶立求媚聖意。搖蕩上心。陛下信而使之乎。是宣淫於天下。慶立矯而為之乎。是禁典之所無赦。陛下即位。固宜昭宣菲薄。廣示節儉。豈可以怪

好示四方哉。書奏。玄宗稱善。

玄宗遣中人捕鷄鶻溪鳩。南方刺史倪若水上言。農方田。婦方蠶。以此時捕奇禽怪羽。為園籞之玩。自江嶺而南。達京師。水舟陸畜。兩佃魚蟲稻梁。道路之言。不以賤人貴鳥。望陛下邪。帝手詔褒答。悉放所玩。謫使人過。取罪而賜。若水帛四十段。

時又遣使齎錦至石國。市犬馬。黃門侍郎張廷珪曰。犬馬非土性。弗畜。珍禽異獸。不育于國。不宜勞遠人。致異物。願省無益之政。救必然之急。天下之幸。

初武后末年。為潑寒胡戲。中宗嘗乘樓縱觀。開元中。因四夷來朝。復為之。中書令張說上疏曰。韓宣通曾見周禮。而歎孔子會齊。數倡優之罪。列國如此。况天朝乎。今四夷請和。使者入謁。當接以禮樂。示以兵威。雖曰戎夷。不可輕也。為知無駒文之辯。由余之賢哉。且乞潑寒胡未聞典故。裸體跳足。汨泥揮水。風德何觀焉。恐非干羽柔遠。博俎折衝之道。上納之。自是遂絕。

歷代名臣奏議卷之一百九十五

歷代名臣奏議卷之一百九十四

戒佚欲

唐德宗時翰林學士陸贄上奏曰。右德亮承旨并錄先所散失內人名字。令臣撰詔書以賜渾瑊。遣於奉天尋訪。以得為限。仍量與資裝。速送赴行在者。頃以理道乖錯。禍亂荐鍾。陛下思咎懼天。裕人罪已。屢降大號。誓將更新。天下之人垂涕相賀。懲忿釋怨。照仁戴明。畢力同心。共平多難。止土崩於絕岸。收板蕩於橫流。殄寇清都。不失舊物。實由陛下至誠動於天地。深悔感於神人。故得百靈降康。兆庶歸德。苟不如此。自古嘗有擲棄官闕。失守宗祧。繼逆於赴難之師。再遷於蒙塵之日。不踰半歲而復興大業者乎。今渠魁始平。法駕將返。近自郊甸。遠周寰瀛。百役疲瘵之。重傷殘廢之卒。皆忍死扶病。傾耳竦肩。想聞德聲。翹望聖澤。陛下固當感上天悔禍之眷。荷烈祖垂裕之

休念將士鋒刃之殃。愍黎元塗炭之酷。以致寇為戒。以居上為危。以務理為憂。以復言為急。損之又損。尚懼汰侈之易。滋艱之惟艱。猶患戒慎之難久。謀始盡善。克終已稀。始而不謀。終則何有。夫以內人為號。蓋是中壺未流。天子之尊。富有宮掖。如此等輩。固繁有徒。但恐傷多。豈憂之使翦除。元惡曾未決辰。奔賀往來。道路如織。何必自虧君德。首訪婦人。又令資裝。速赴行在。萬目闕視。眾口流傳。恐非所以答慶賴之心。副惟新之望也。夫事有先後。義有重輕。重者宜務之於先。輕者宜措之於後。故武王克殷。有未及下車而為之者。有下車而為之者。蓋美其不失先後之宜也。自翠華播越。萬姓靡依。涓廟震驚。三時乏祀。當今所務。莫大於斯。誠宜速遣大臣。馳傳先往。迎復神主。脩整郊壇。展禋享之儀。申告謝之意。然後吊恤死義。慰恤有功。緩輯黎烝。優問耆耄。安定反側。寬宥脅從。宣暢鬱堙。褒獎忠貞。官失職之士。

復廢業之人。是皆宜先。不可後也。至如崇飾服器。繕緝殿臺。備耳目之娛。選巾櫛之侍。是皆宜後。不可先也。宜後而先。則為君之道喪。宜先而後。則理國之義差。古之興王。必慎於此。陛下將務興復。又安可不慎乎。且散失內人。已經累月。既當離亂之際。必為將卒所私。其人若稍有知。不求當自陳獻。其人若甚無識。求之適使憂虞。自因寇亂喪亡。頗有大於此者。一聞搜索。懷懼必多。餘尊尚繁。羣情未一。因而善撫。猶恐危疑。若又懼之。予何不有。昔人所以掩絕纓而飲盜馬者。豈必忘其情愛。蓋知為君之體然也。以小妨大。明者不為。天下固多羨人。尚必獨存於此。易曰。危者安其位者也。亂者有其理者也。故君子安不忘危。理不忘亂。是以身安而國家可保也。春秋傳曰。或多難以固其國。或無難以喪其邦。誠以處危則思安之情切。遭亂則求理之志深。切於思安。深於求理。國之固也不亦宜乎。及夫居安而驕。恃

理而急。驕則縱肆其奢欲。怠則厭惡於忠言。奢欲日行。忠言日梗。國之喪也。不亦宜乎。昔衛獻出奔。久而復國。大夫迎於境者。執其手而與之言。迎於門者。頷之而已。言其驕怠之易生也。齊桓將圖霸功。管仲戒之以無忘在宮。懼其情志之易變也。今臣亦願陛下企思危。固國如不及。懲忘亂。喪國如探湯。以在宮為書紳之規。以表衛為覆車之鑒。則德為帝範。理致時雍。與夫貪逸欲而踐禍機。其利害亦云遠矣。所合撰賜渾瑊詔。未敢承旨。伏惟聖裁。

憲宗元和七年。延英奏對畢。因問及國朝故事。上甚悅。宰臣李吉甫希意奏言。陛下威德布洽。華夷瞻戴。時已太平。可事歡樂。上大笑。李絳奏曰。昔太宗之理天下也。房玄齡杜如晦輔相聖德。有魏徵王珪規諫闕失。有溫彥博戴胄以彌縫政事。有李靖李勣訓整戎旅。故夷狄畏服。寰宇大安。天下之人仰戴聖德。猶孜孜而求理。開導直言。肝

食宵衣。未敢滿溢。豈復當時務於自逸乎。陛下視今日事。何如漢文時。上曰。安敢望漢文哉。絳曰。文帝漢之明主。恭儉節用。身衣皂綈。清淨為理。刑措不用。戎狄面內。致干戈偃戢。而賈誼上言。猶以當時如措火積薪之下。火未燃而以為安。其憂危如此。今中夏河南北中。蔡有五十餘州。法令所不及。德澤所未加。兼西戎侵盜。近以涇隴靈寧等州為界。去京城遠者不過千里。近者數百里。烽燧相接。邊界屢驚。此方是陛下焦心涸慮。廢寢忘餐之時。豈可高枕而卧也。加以頃年水旱。廩藏尚虛。陛下憂勞。頻軫聖念。誠是延訪智略之士。揀拔賢良之臣。精求濟時之規。光大中興之業。又安可事於歡樂而自縱哉。伏惟陛下誠之。上欣然曰。誠如卿言。朕所以一錢不敢妄費。一日不敢懈怠者。祇為此言。卿言正當。朕意當與卿等圖之。上退朝。顧謂左右中官曰。適來吉甫奏言時。已太平。勸我為樂。李絳屢陳古今。并言事

宜是憂危之事。吉甫諂佞。悅我顏色。李絳忠正骨鯁。言必遠大。真宰相也。

絳為翰林學士。上奏曰。臣等先奉進止。今檢尋歷代至國朝已來。聖帝明王。忠臣義士。君臣合體事跡可觀者。檢五十條進呈。欲於御座置屏風觀覽者。伏以自古聖王。皆憂勤庶政。未嘗不取鑒於前代。致理於當時。昔太宗亦命魏徵等博採歷代事跡。撰羣書政要。致在坐側。常自省閱。書於國史。著為不刊。今陛下以天縱聖姿。日慎一日。精求道理。容納直言。猶更參驗古今。鑒試美惡。朝夕觀覽。取則而行。誠烈祖之用心。必致貞觀之盛理。臣等謹依撰錄都五十條。賢愚成敗。勒為兩卷。隨狀進上。其羣書政要是太宗親覽之書。其中事跡周備。伏望聽政日新。成不諱之朝。致無為之化。

憲宗喜武功。且數出遊畋。吏部郎中柳公綽奏七十落威以諷曰。天布

寒暑。不私於人。品類既一。高卑以均。人謹好愛。能保其身。清靜無瑕。輝光以新。寒暑滿天地。泆肌膚於外。好愛在耳目。誘心知於內。端絮為隄。奔射猶敗。氣行無間。隙不在大。謂天高矣。氛蒙晦之。謂地厚矣。橫流潰之。飲食資身。過則生患。衣服稱德。侈則生慢。唯過與侈。心必隨之。氣與心流。疾乃伺之。畋遊恣樂。流情蕩志。馳騁勞形。叱吒傷氣。不養其外。前脩所忌。人乘氣生。嗜慾以萌。氣離有患。氣完則成。巧必喪身。智實誘情。醫之上者。理於未然。患居慮後。防處事先。心靜樂行。體和道全。克施萬物。以享億年。聖人在上。各有攸處。臣司太醫。敢告諸御。天子高其才。遣使謂曰。卿言氣行無間。隙不在大。愛朕深者。當置之坐隅。

穆宗初即位。不卹國事。數荒昵。吐蕃方強。諫議大夫鄭覃等廷諍曰。陛下新即位。宜側身勤政。而內耽宴嬉。外盤游畋。今吐蕃在邊。徂候

中國。假令緩急。臣下乃不知陛下所在。不敗事乎。夫金縢所出。固民膏血。可使倡優無功。濫被賜與。願節用之。以所餘備邊。毋命有司重取百姓。天下之幸也。帝不懌。顧宰相蕭俛曰。是皆何人。俛曰。諫官也。帝意解。乃曰。朕之闕。下能盡規。忠也。因詔覃等曰。閣中殊不款款。後有為我言者。當見卿延英。時閣中奏久廢。至是士相慶。

穆宗荒于游畋。內恣酣蕩。昕曙不能朝。諫議大夫匡郾進曰。十一聖之功德。四海之大。萬國之衆。其治其亂。繫於陛下。自山以東。百城。地千里。昨日得之。今日失之。西望戎壘。距宗廟十舍。百姓憔悴。蓄積無有。願陛下親政事。以幸天下。帝動容慰謝。

主谷郎中知制誥白居易以穆宗好畋游。乃獻續虞人箴。以諷曰。唐受天命。十有二聖。兢兢業業。咸勤厥政。鳥生深林。獸在豐草。春蒐冬狩。取之以道。鳥獸蟲魚。各遂其生。民野君朝。亦克用寧。在昔玄祖。厥

訓孔章。馳騁畋獵。俾心發狂。何以效之。曰。羿與康。曾不是。誠終然覆亡。高祖方獵。蘇長進言。不滿十旬。未足為懼。上心既悟。為之輟畋。降及宋璟。亦諫玄宗。溫顏聽納。獻替從容。璟趨以出。鷄死握中。噫。逐獸于野。走馬于路。豈不快哉。銜槩可懼。審其安危。惟聖之慮。

敬宗即位。視朝常晏。數游畋。失德。左拾遺劉栖楚諫曰。惟前世王者初嗣位。皆親庶政。坐以待旦。陛下新即位。安卧寢內。日晏乃作。大行殯宮。密邇鼓吹之聲。日聞諸朝。且憲宗及先帝皆長君。朝夕恪勤。四方猶有叛者。陛下以少主踐祚。未幾惡德流布。恐福祚之不長也。臣以諫為官。使陛下負天下譏。請碎首以謝。遂額叩龍墀。血被面。李逢吉傳詔。毋叩頭待詔。旨。栖楚捧首立。帝動容。揚扶使去。栖楚曰。不聽臣言。臣請死于此。有詔慰諭乃出。

敬宗時。李德裕上言曰。臣聞道之高者。莫若廣成。玄元。之聖者。莫

若軒皇孔子。昔軒皇問廣成子。理身之要。何以長久。廣成子云。無視無聽。抱神以靜。形將自正。神將自清。無勞子形。無挫子精。乃可長生。慎守其一。以處其和。故我脩身千二百歲矣。吾形未嘗衰。又云。得吾道者。上為皇。而下為王。玄元語孔子云。去子之驕氣。與多欲態。色與淫志。是皆無益於子之身。吾所告子者。是已。故軒皇發謂天之數。孔子興猶龍之感。前聖於道。不其至乎。伏惟文武大聖。廣孝皇帝。陛下稽玄祖之訓。脩軒皇之術。凝神開館。物色異人。將以覲冰雪之姿。屈順風之請。恭惟聖感。必降真仙。若使廣成。玄元。混迹而至。語陛下之道。授陛下之言。以臣度思。無出於此。臣所慮。赴召者。必怪迂之士。苟合之徒。使物淖冰。以為小術。術耀邪僻。蔽欺聰明。如文成五利。無一可驗。臣所以三年之內。四奉詔書。未敢以一人塞詔。實有所懼。臣又聞前代帝王。雖好方士。未有服其藥者。故漢書稱黃金成。以為飲食器。則益壽。又高宗朝。劉道合。玄宗朝。孫觀生。皆成黃金。二祖竟不敢服。蓋以宗廟社稷之重。不可輕易。此事炳然。其載國史。以臣微見。惟陛下睿思精求。必致真隱。惟問保和之術。不求藥餌之功。縱使必成黃金。止可充於玩好。則九廟靈鑒。必當慰悅。寰海兆庶。誰不歡心。臣思罄愚衷。以裨玄化。輒陳懇款。伏積兢皇。

文宗時。御史中丞李孝本。宗室子。坐李訓事。誅死。其二女沒入宮。右拾遺魏謩上言。陛下即位。不悅聲色。于今十年。未始採擇。數月以來。稍意聲伎。教坊閱選。百十未已。莊宅收市。疊疊有聞。今又取孝本女。內之後宮。宗姓不賣。寵幸為累。傷治道之本。速塵穢之嫌。謗曰。止寒莫若重裘。止謗莫若自脩。惟陛下崇千載之盛德。去一旦之玩好。帝即出孝本女。詔曰。乃祖在貞觀時。指事直言。無所避。每覽國史。輒與嘉之。謩為拾遺。屢有獻納。夫備洒掃於內。非曰聲伎。惟宗女之幼。不

為漁取。然疑似之間不可戶曉。暮辭深切。其惜我之失不亦至乎。雖居位日淺。朕何愛一官。增直臣之氣。其以暮為右補闕。武宗數出畋游。暮夜乃還。門下侍郎同中書門下平章事李德裕上言。人君動法於日。然出而視朝。入而燕息。傳曰。君就房有常節。惟深察古誼。毋繼以夜。側聞五星失度。恐天以是勤勤儆戒。詩曰。敬天之渝。不敢馳驅。願節畋游。承天意。

後唐莊宗嘗畋中牟。踐民稼。中牟令當馬前諫曰。陛下為民父母。奈何委其所食。使轉委溝壑乎。唐主怒。叱去將殺之。優人敬新磨追禽至馬前責之曰。汝為縣令。獨不知吾主好獵邪。奈何縱民耕種。以妨吾天子之馳騁乎。非當死。因請行刑。莊宗笑而釋之。又嘗獵于近郊。洛陽令何澤慶馬諫曰。陛下賦歛既急。今稼穡將成。復蹂踐之。使吏何以為理。民何以為生。願先賜死。莊宗慰遣之。

明宗初好畋獵。都官員外郎張昭疏諫曰。太祖初鎮太原。每年打鹿於北鄙。先帝在位。暇日射鴈於近郊。此蓋軍務之餘畋游之道。洎先帝膺圖啓祚。嚮明御宇。則宜易彼諸侯之事。肅乎萬乘之儀。而猶因習舊風。失其威重。馳逐原獸。殆無虛日。臣愚以為事有可畏者四焉。洛都舊制。官城與禁苑相連。人君宴遊。不離苑圍。御馬來往。輦路坦夷。不涉荒郊。何憂蹶失。今則驅馳驟服。涉歷榛蕪。此後節氣嚴凝。徑塗凍滑。萬一有銜駮之變。陛下縱自輕。奈宗廟社稷何。所可畏者一也。又陛下新有四海。宜以德服萬邦。今則江嶺未平。淮夷尚梗。彼初聞陛下革先朝之失政。還太古之淳風。御物以慈。節財以儉。有典有則。不矜不驕。彼必有三苗率服之心。七旬來格之意。如聞陛下暫遊近甸。彼即以為復好畋遊。所可畏者二也。臣又聞作法於涼。其弊猶貪。作法於貪。弊將如何。且打鹿射鴈之事。新敗軌傾。輈之轍在。常宜

取鑒不可因循。所可畏者三也。臣又聞作事可法。貽厥孫謀。若以陛下齋聖廣淵之機。聰明神武之量。其可以宴遊蒐狩之事。少累聖明。所謂城中好廣眉。城外加半額。為法之弊。靡不由茲。所可畏者四也。伏望陛下居高慮遠。慎始圖終。思創業之艱難。知守成之不易。念老氏馳騁之戒。樹文王忠厚之基。約三驅之舊章。定四時之遊幸。始出有節。後不敢違。踰奏明宗嘉納之。

明宗時較解縱鷹隼。內外無得更進。馮道曰。陛下可謂仁及鳥獸。明宗曰。不然。朕嘗從武皇獵時。秋稼方熟。有獸逸入田中。道騎取之。比及得獸。餘稼無幾。以是思之。獵有損無益。故不為耳。

宋仁宗嘉祐四年。翰林學士知開封府歐陽脩上奏曰。臣伏以上元放燈。不出典禮。蓋自前世習俗所傳。皆俯徇衆心。欲同民樂。勉出臨幸。非為嬉游。若乃時和心豐。民物康富。以為樂事。亦是人情。今自立

春以來。陰寒雨雪。小民失業。坊市寂寥。寒凍之人。死損不少。薪炭食物。其價增倍。民憂凍餓。何暇遨遊。臣本府日閱公事。內有投井投河不死之人。皆稱因為貧寒。自求死所。今日有一婦人凍死。其夫尋亦自縊。竊惟里巷之中。失所之人。何可勝數。昨日聖恩。差官俵錢。正為如此。目下陰雪未解。假使便得晴明。坊市不免泥淖。聖駕所歷。衝冒風寒。况方以日食之災。避殿減膳。聖心畏憂。中外所知。欲乞特罷放燈。所有常年酌獻之禮。若至日未得晴明。亦乞差大臣攝事。所有見今供擬遊幸。及修道路。寒凍兵士。並乞放罷。庶幾上副陛下畏天憂民之心。

判太常禮院呂公著上奏曰。臣切以帝堯之聖。始於明俊。德以親九族。然後協萬邦。致時雍。斯誠制治之道。次序之節。然也。伏見舊制。虜使到闕。畝宴紫宸殿。及上元節。當遊幸諸宮觀。御樓觀燈。臣愚以為

贈中書令濮王卒。殯雖天子絕期。然宴樂以早。則於情理有所未安。昔智悼子未葬。壙于絳。晉平公飲酒以樂。杜蒍譏之。此蓋異姓之臣。爾况濮王於宗。感之中。親尊莫貳。若陛下出於恩厚。比使朝宴日。特命去樂。將來上元觀燈遊宴。並從寢罷。如此則親親之禮。可以率下而篤俗矣。

慶曆七年。殿中侍御史何郊上奏曰。臣竊以古者天子具四時之田。所以講威武而勤遠略。不徒事遊戲而翫小娛。載之策書。具有典法。前日伏聞法駕將獵近郊。中外之人聽者頗惑。良以去歲車駕已嘗出畋。羣臣抗言。隨即停罷。忽茲再舉。未諭聖心。伏以陛下繼統以來。動遵法度。不喜弋獵。不數豫游。恭儉之風。足邁前古。而今之舉事。固必有因。豈陛下以宇內有年。芳隅無事。故於農隙。以講武經。欲為都邑游觀之盛乎。抑有獻議者。謂田獵之事。具有禮文。行之以時。蓋舉

墜典。則嚮者諄止之言。不足顧乎。若聖意果然如是。先定則非愚臣之所敢議也。然其中事有切於利害者。尚可得而言焉。恭自真宗皇帝即位之後。遂下詔書。罷放五方鷹鷄。獵事不講。踰四十年。校獵之籍。率非宿時。士卒久不便習其事。官司又不素詳其義。倉卒而行。必多曠闕。竊聞去歲乘輿之出。往返甚勞。一日之間。殆馳百里。而又兵衛不肅。警蹕不嚴。從官不及侍行。有司不暇供億。逮於暮夜始入都門。此豈非士不習其事。官不詳其儀。而致然歟。而况以騎乘而有疾馳之勞。存原野而弛嚴衛之備。或御者蹉跌。變生銜縶。愚民迷誤。犯及車塵。臣子之罪。將何贖焉。雖則仁聖之資。固有神靈之衛。然不可不備非常。且西北二隅。變故難測。豈無姦偽。雜於稠人廣衆之中。由是而言。益可深慮。傳曰。千金之子。坐不垂堂。矧於萬衆之尊乎。賈誼曰。射獵之娛。與安危之機。孰急。今不獵猛獸。而獵田鼠。不搏強寇。而

搏蓄鬼。翫細娛而不圖大患。非所以為安也。伏望陛下罷省出游。無重過舉。遵烈考詔書之旨。念前人警誡之規。優游養神。樂過從。拱揖在御。慮無乘危。則宗廟生靈。實有慶賴。臣職當言責。理合開陳。罔逃嚴誅。貴少云補。

蘇轍登進士科。又策制舉。時仁宗春秋高。轍慮或倦於勤。因極言得失。而於禁廷之事尤為切至。曰。陛下即位三十餘年矣。平居靜慮。亦嘗有憂於此乎。無憂於此乎。臣伏讀制策。陛下既有憂懼之言矣。然臣愚不敏。竊意陛下有其言矣。未有其實也。往者寶元慶曆之間。西夏作難。陛下晝不安坐。夜不安席。天下皆謂陛下憂懼。小心如周文王。然自西方解兵。陛下棄置憂懼之心二十年矣。古之聖人。無事則深憂。有事則不懼。夫無事而深憂者。所以為有事之不懼也。今陛下無事則不憂。有事則大懼。臣以為憂樂之節易矣。臣竊遠小臣。聞之

道路。不知信否。近歲以來。宮中貴姬。至以千數。歌舞飲酒。優笑無度。坐朝不聞謔謨。便殿無所顧問。三代之衰。漢唐之季。女寵之害。陛下亦知之矣。久而不止。百蠱將由之而出。內則蠱惑之所以汙。以傷和伐性。外則私謁之所以亂。以敗政害事。陛下無謂好色於內。不害外事也。今海內窮困。生民愁苦。而宮中好賜。不為限極。所欲則給。不問有無。司會不敢言。大臣不敢諫。執契持較。迅若兵火。國家有養士養兵之費。外有契丹西夏之奉。陛下又自為一阱。以耗其遺餘。臣恐陛下以此得謗。而民心不歸也。

仁宗時起居舍人同知諫院司馬光上奏曰。臣等竊見今歲以來。災異屢臻。日食地震。江淮騰溢。風雨害稼。民多菜色。此正陛下側身克己。省禮蕃樂之時。而道路之言。皆云陛下近日宮中燕飲。微為過差。賞賚之費。動以萬計。耗散府庫。調斂細民。况酒之為物。傷性敗德。為

湯所禁。周公所戒。殆非所以承天憂民。輔養聖躬之道也。陛下恭儉之德彰信兆民。議者皆以為後宮奢縱。務相誇尚。左右近臣。利於賞賚。陛下重違其請。屈意從之。夫天以剛健為德。君以正固為事。奈何徇後宮左右之欲。上忽天戒。下忘民病。中不為宗廟社稷深自重惜。臣等愚惑。竊為陛下不取也。伏望陛下當此之際。悉罷燕飲。安神養氣。後宮妃嬪。進見有度。左右小臣。賞賚有節。及厚味腊毒之物。無益奉養者。皆不宜數御。以傷太和。迺可以解皇天譴告之威。慰元元困窮之望。保壽命無疆之休。天下群生。不勝幸甚。

先知諫院時。又上奏曰。臣等伏見今歲以祈穀改日之故。車駕併以十三十四日幸諸寺觀。臣等竊惟上元觀燈。本非典禮。正以時和年豐。欲與百姓同樂。為太平之榮觀而已。去歲四方諸州多罹水旱。鰥寡孤獨。流離道路。伏計陛下念此。未嘗去心。竊恐有司不明大體。務

循故事。無所減損。不稱陛下子愛元元之意。又連日遊幸。在於聖體亦為煩勞。伏望陛下比之每歲。特減遊觀之處。以閔恤下民。安養聖神。天下幸甚。

光又上奏曰。臣竊聞今月十八日。聖駕御宣德門。召諸色藝人各進技藝。賜與銀絹。內有婦人相撲者。亦被賞賚。臣愚竊以宣德門者。國家之象貌。所以垂憲度。布號令也。今上有天子之尊。下有萬民。后妃侍旁。命婦縱觀。而使婦人羸戲於前。殆非所以隆禮法。示四方也。陛下聖德溫恭。勤遵儀典。而所司巧佞。妄獻奇技。以汙瀆聰明。竊恐取譏四遠。愚臣區區。實所重惜。若舊例所有。伏望陛下因此斥去。仍詔有司嚴加禁約。今後婦人。不得於街市。以此聚眾為戲。若今次上元始預百戲之列。即乞取勘管勾。臣寮因何置在籍中。或有臣僚援引奏聞。因此宣召者。並重行譴去。庶使巧佞之臣有所戒懼。不敢導上

為非禮也。

英宗時。殿中侍御史范純仁上奏曰。臣伏見今月二十二日秋宴。竊以京師昨因大水之後。軍民壓溺死者甚衆。哀痛之聲至今未已。陛下為民父母。憂樂與天下同之。所以連日以來。陰警未解。民相傳恐復有大雨。暴露之衆。憂懼方深。而聞陛下鐘鼓之音。必有疾首蹙額而相告曰。君臣宴樂。似非其時。伏望聖慈。特降指揮。權罷今來秋宴。只令支散酒食。庶幾上承天戒。下順人情。示聖君脩省之誠。消兆民災沴之氣。

神宗熙寧二年。直史館權開封府推官蘇軾上奏曰。臣嚮蒙召對便殿。親奉德音。以為凡在館閣。皆當為深思治亂。指陳得失。無有所隱者。自是以來。臣每見同列。未嘗不為道陛下此語。非獨以稱頌盛德。亦欲朝廷之間。如臣等輩。皆知陛下不以疎賤間廢其言。共獻所聞。

以輔成太平之功業。然竊謂空言率人。不如實而人自勸。欲知陛下能受其言之實。莫如以臣試之。故臣願以身先天下。試其小者。上以補助聖明之萬一。下以為賢者卜其可否。雖以此獲罪。萬死無悔。臣伏見中使傳宣下府市司買浙燈四千餘盞。有司具實直以聞。陛下又令減價收買。見已盡數拘收。禁止私買。以須上令。臣始聞之。驚愕不信。咨嗟累日。何者。竊為陛下惜此舉動也。臣雖至愚。亦知陛下游心經術。動法堯舜。窮天下之嗜慾。不足以易其樂。盡天下之玩好。不足以解其憂。而豈以燈為悅者哉。此不過以奉二宮之歡。而極天下之養耳。然大孝在乎養志。百姓不可戶曉。皆謂陛下以耳目不急之玩。而奪其口體。必用之資。賣燈之民。例非豪民。舉債出息。蓄之彌年。衣食之計。望比旬日。陛下為民父母。唯可添價貴買。豈可減價賤酬。此事至小。體則甚大。凡陛下所以減價者。非欲以與小民爭此毫

末。豈以其無用而厚費也。如知其無用。何必更索。惡其厚費。則如勿買。且內庭故事。每遇放燈。不令過內。東門雜物。務臨時收買。數目既少。又無拘收督迫之嚴。費用不多。民亦無憾。故臣願追還前命。凡悉如舊。京城百姓。不慣侵擾。恩德已厚。怨讟易生。可不慎歟。可不慎歟。近日小人妄造非語。士人有展年科場之說。商賈有京城攤酒之議。更憂減俸。兵憂減廩。雖此數事。朝廷所決無。然致此紛紛。亦有以見陛下勤恤之德。未信於下。而有司聚斂之意。或形于民。方當責已自求。以消讒慝之口。而臺官又勸陛下以嚴刑悍吏捕而戮之。虧損聖德。莫大於此。而又重以買燈之事。使得因緣以為口實。臣實惜之。方今百冗未除。物力凋弊。陛下縱出內帑財物。不用大司農錢。而內帑所儲。孰非民力。與其平時耗於不急之用。曷若留貯以待乏絕之供。故臣願陛下將來放燈。與凡游觀苑囿宴好賜予之類。皆飭有司務從儉約。頃者詔旨。裁減皇族恩例。此實陛下至明至斷。所以深計遠慮。訓愛為民。然竊揆其間。不能無少望於陛下。惟當痛自刻損。以身先之。使知人主且猶若此。而况於吾徒哉。非惟省費。亦且弭怨。昔唐太宗遣使往涼州。諷李大亮獻其名鷹。大亮不可。太宗深嘉之。詔曰。有臣若此。朕復何憂。明皇遣使江南採鸚鵡。汴州刺史倪若水論之。為反其使。令益州織半臂背子琵琶捍撥。鏤牙合子等。蘇許公不奉詔。李德裕在浙西。詔造銀盃。具二十事。織綾二千疋。德裕上疏極論。亦為罷之。使陛下內之臺諫。有如此數人者。則買燈之事。必須力言。外之有司。有如此數人者。則買燈之事。必不奉詔。陛下聰明睿聖。追迹堯禹。而群臣不以唐太宗明皇事陛下。竊嘗深咎之。臣忝備府僚。親見其事。若又不言。臣罪大矣。陛下若赦之不誅。則臣又有非職之言。大於此者。忍不為陛下盡之。若其不赦。亦臣之分也。

十年監察御史裏行彭汝礪上奏曰。臣體問今年上元游宴。例皆依舊。臣伏念獨樂樂不若與人之樂。與少樂樂不若與衆之樂。故古者於荒政則蓄樂。於大札大災則弛樂。蓋能同天下之憂。則能同天下之至樂也。臣伏思乾德之禍。廣西熾焉。官之屠戮。道骸未斂。頻年京淮江浙東西。死於飢疫者至數十萬。病者未興。流散者未還集。而道路村落。有蕭然為狐狸豺狼之墟矣。威茂之師未勞。洗隴之役復新。十萬之兵宿於煙瘴。其以戰及疾死者甚衆。孤寡泣涕。擗獨悲啼。相號於路。而招魂於萬里之外。災害變故莫大焉。古人於此。不敢私燕樂於一食之間。而陛下供張不節。愚以謂此非樂。以天下之意也。臣知陛下有堯舜之仁愛。恭儉園囿。無非時之游幸。倡優無過誤之寵。一朝之樂。決非陛下所固欲也。亦將同民欲而已。然吏民死於凶札。死於兵役。死於瘴癘。皆陛下所予者。宜與之同其憂。而與同其樂。

臣終疑之。臣竊乞上元自祖宗神御殿酌獻外。特賜寢罷其餘游觀。而明以此意詔天下。臣知窮民戢卒。當有聞而感泣。知陛下所以哀矜之者。無一飲食不在其衷。而使天下吏知陛下所以愛惜其民如是也。釋宴樂之私。而慰中外之民望。致勤畏之誠。以答因仍之天變。其為計善亦昭昭然。明白矣。老子曰。殺人衆多。以悲哀泣之。戰勝以喪禮處之。蓋不欲以戰屈人故也。孟子曰。鼓樂於此。百姓聞鍾鼓之聲。管籥之音。舉欣欣然有喜。蓋與民同樂故也。惟陛下念之。臣愚不知忌諱。惟陛下裁察。

哲宗元祐四年。右正言劉安世上奏曰。臣伏見去冬以來。時雪愆亢。詢問四方。亦多旱暵。關陝淮浙。民已艱食。物價翔躡。日益增甚。雖朝廷廣行賑貸。而歲事久望。存飢可憂。臣嘗觀周禮六司徒。荒政之目。十有二品。救民之道。最為詳備。其九曰蓄樂。蓋歲有凶。數人君閔卹。

元元為之閉藏樂器而不作也。禮曰。雖有凶旱水溢。民無菜色。然後天子食。日舉以樂。先王之制。具在方冊。聖明之主。所宜留心。伏惟陛下繼天奉元。仁民愛物。有年之瑞。宜不絕書。而雨雪失時。人且狼狽。雖兩宮憂勞。軫念無或。少忘。而遠方之民。未見陛下至誠惻怛之意。今上元密通。有司舉行常例。猶欲張燈。臣愚欲望聖慈。明諭執政。特以歲旱。俾罷遊宴。使四海之內。莫不戴陛下勤卹之德。庶幾天人感通。風雨時若。天下幸甚。

安世改為左諫議大夫。又上奏曰。臣伏自前月末。聞傳聖旨。權罷講筵。是時近興龍節。意謂將有燕饗。是以暫輟通筵之幸。用成慶禮。今復半月別無政事。亦非有前歲大雪苦寒之故。而勤講之臣。久不得望見清光。臣固已疑之矣。迺者民間喧傳。禁中見求乳母。臣竊謂陛下。當於春秋。尚未納后。紛華盛麗之好。必不能動蕩淵衷。雖聞斯議。

未嘗輒信。近日傳者益衆。考之頗有實狀。臣忝被言職。當諫其漸。伏惟皇帝陛下。天錫睿聖。纂成大業。太皇太后陛下。慈仁正順。保佑備至。覆載之內。莫不傾耳拭目。以望風化。而或者之論。乃謂陛下稍踈先王之經典。寢近後庭之女寵。此聲流播。實損聖德。昔者堯之受命。惟以天下為憂。而不敢以位為樂。成湯不通聲色。不殖貨利。著之方冊。萬世稱誦。皇帝陛下。不可以不勉。太皇太后陛下。不可以不勸也。伏望聖慈。為宗廟社稷之大計。清閑之燕。頻御經帷。仍引近臣與之論議。前古治亂之要。當今政事之宜。悉俾開陳。以助聖學。無溺於所愛。而忘其可戒。天下幸甚。

著作郎兼侍講范祖禹上疏曰。臣伏見陛下嗣位以來。端拱淵默。專意學問。臣侍經席於累年。陛下天縱生知。聖德純茂。接對臣下。日如一日。未嘗小有差失。此實上天眷佑。皇家保育生民。宗廟社稷無疆。

之福也。恭惟太祖皇帝肇造區夏。櫛風沐雨。削平僭亂。以立子孫萬世之基。傳之太宗。至于真宗。遂致太平。仁宗年十三。即大位。章獻明肅太后安定邦家。調護聖性。是以四十二年之間。德澤深結於民。天下至今思慕不忘。英宗自藩邸入繼大統。四海之內。同心愛戴。先帝勸精求治。宵衣旰食。躬勤萬事。十有九年。不幸早棄天下。陛下年始十歲。嗣登大位。當此之時。人心慄慄。憂危萬端。幸賴太皇太后保佑扶持。勤濟艱難。斥退凶邪。登進忠良。詔令所至。百姓歡呼鼓舞。數年以來。中外晏安。北狄西戎。無不從順。此皆太皇太后之德也。臣不知陛下將何以報之。臣竊思陛下所以報之。唯在於進德愛身而已。陛下進德。則為太平高世之主。光顯祖宗之烈。發揚文母之訓。使天下之人。皆欣欣然曰。祖宗之德。太皇太后之力。如此。則豈惟皇天祖宗嚮佑陛下。太皇太后亦不虛勤勞矣。陛下愛身。則無疾疢。不貽太皇

太后之憂。子夏問孝。孔子曰。父母唯其疾之憂。夫父母之憂。莫切於子孫之有疾疢。他日陛下有子。當自知之。陛下若不進德。不愛身。雖極四海九州之養。亦未足為孝也。臣自今秋。聞外人言陛下於後宮已有所近幸。臣初聞之。不以為信。數月以來。傳者益多。或云已有懷娠。將誕育者。言之所起。必有其端。臣誠至愚。不能不惑。故敢先事懇切言之。陛下內承慈訓。外勤聖學。方當祇畏以事天地。誠孝以奉宗廟。思六聖之勤勞。念帝業之艱難。四方之人。無不延頸舉踵。注目傾耳。觀聽陛下德業之光。名譽之隆。以想望太平。陛下可不慎哉。今陛下未建中宮。而先近幸左右。好色伐性。虧傷太早。有損聖德。不益聖體。此臣之所甚憂也。孔子曰。君子有三戒。少之時。血氣未定。戒之在色。言人少時。血氣未定。而先傷伐根本。則損壽考之福。故君子戒之。陛下今年十四歲。而生於十二月。其實猶十三歲也。此豈近女色之

時乎。陛下上承天地宗廟社稷之重。守祖宗百三十年基業。為億兆之人父母。豈可不愛惜聖體哉。孟子曰。事孰為大。守孰為大。守身為大。守身所以事親也。愛身所以愛天下也。陛下上有太皇太后。皇太后。皇太妃。休戚皆繫於陛下之一身。豈可不愛惜聖體哉。中庸曰。君子之道本諸身。未有不先愛身而可以進道者也。陛下方嚮學問。躬儒術。欲為堯舜禹湯文武成康之君。堯舜禹湯文武成康之君。未有不勤而成者也。昔先帝年十五六。講學東宮。一言一動。天下傳之。是以多才多藝。羣臣莫及。今陛下聖學天下未有所聞。而先以嗜欲聞於天下。此臣之所甚憂也。陛下有上聖之性。必行上聖之事。有上聖之位。必求上聖之名。豈可不愛惜聖體哉。方今羣臣之心。萬民之情。正望朝廷如天聖以來。所願陛下法則仁宗而已。祖宗天下百三十年。如寶器之無缺。陛下行純德。備如美玉之無瑕。臣竊為

陛下寶之惜之。愛之重之。陛下豈可不愛惜聖體哉。臣聞仁宗未納皇后以前。未嘗近幸後宮。是以氣體康寧。在位最久。臣今觀陛下氣怯。恐不能如仁宗少時。豈可不愛惜聖體哉。前世人君多所經歷。乃能周知天下之情。今陛下生長深宮。稼穡艱難。未知也。人之情偽。未見也。國家政事。未習也。六經聖人之言。未盡讀也。前世興亡之戒。未盡閱也。天下至大。萬事至衆。何所不關。聖慮豈可不愛惜聖體哉。古人有言。後宮盛色。則賢者隱處。佞人用事。則諍臣杜口。陛下春秋鼎盛。方當崇經術。通端士。敦尚素樸。屏去紛華。不宜先留意女色。使天下失望。以啓小人之心。何則。陛下如好德。則賢人皆動其心。欲助陛下之德。而圖天下治安。故於陛下有益。陛下如好色。則小人皆動其心。欲奉陛下之欲。而圖一身富貴。故於陛下有損。賢人進則治。小人進則亂。人君所好。不唯繫一身損益。實繫天下治亂。不可不慎也。陛

下於此二者將何擇焉昔漢成帝自為太子時以好色聞其後逸欲無節終為漢室昏亂之主漢之基業由成帝而壞豈可不慎其細哉唐太宗欲納鄭仁基女魏徵諫而止之憲宗時教坊使稱密詔選良家子納禁中李絳上疏乃悉還之文宗沒李孝本女入宮魏謩諫即出之古之忠臣愛君必拂其邪心防其嗜欲置君於無過之地使天下莫得而非議也人君所受莫切於身人臣亦莫切於愛君之身臣濫備勸講以輔導聖德為職懷此憂慮已二三年不能言於未然致陛下已有聲聽流聞於外此臣之罪也臣今若猶不言他日陛下或專意聲色委權臣下紀綱壞亂政事荒僻使天下以陛下為逸欲之主則臣之罪豈可勝責雖悔恨萬狀何所及哉伏望陛下察臣之言專精一意強於學問日新德業無時逸豫事親則思孝居處則思敬動作則思禮祭祀則思誠服用則思儉養民則思仁使人則思恕心則思道視則思正當食則思天下之飢當衣則思天下之寒陛下每思及此而強學不已則將以道德為麗以仁義為美豈聲色之可移哉惟陛下抑情制欲以愛養聖體為先則動植之類無不蒙福生靈幸甚。

祖禹又上宣仁皇后疏曰臣伏見陛下臨御天下于今五年昧爽聽朝親斷萬事所以勞心竭力者凡皆為祖宗社稷億兆人民將以太平天下付之皇帝也臣愚竊謂陛下憂勤天下之事必先憂天下之本愛養四方之民必愛一人之身夫一人之身天下之本也孟子曰天下之本在國國之本在家家之本在身天下安危繫於人君之一身身安則天下安天下治亂出於人君之一心心正則天下正欲安天下必先安身欲正天下必先正心此二者當今之急務久遠之計慮也陛下內保佑聖躬調攝起居外成就睿德勉進學問前此未嘗

聞有纖毫之失。今之所聞則異於前。外議籍籍皆謂皇帝已近女色。後宮將有就館者。有識聞之無不寒心。皇帝今年十四。其實猶十三歲耳。千金之家。有十三歲之子。猶不肯使近女色。而况於萬乘之主乎。陛下愛子孫而不留意於此。非愛子孫之道也。譬如美木方長。正當封植培壅。以待其蔽日凌雲。若成伐其根。豈不害哉。臣嘗見司馬光言章獻明肅太后保護仁宗皇帝。最為有法。自即位以後。未納皇后以前。仁宗居處不離章獻卧內。所以聖體充實。在位歷年長久。章獻於仁宗此功最大。臣考之國史。仁宗在乳褓。章獻使章惠太后護視。章獻臨朝。仁宗起居飲食。章惠必與之俱。所以保佑扶持。恩意勤備。然則章惠保護仁宗。乃章獻太后之意。今陛下臨朝。日有萬幾。至於左右護視皇帝。臣不知有如章惠者乎。若未能如章惠。則陛下豈得不留聖意也。陛下以朝事責宰相。以邊事責將帥。人君闕失。羣臣

邪正。責諫官御史。皇帝學問。責講讀官。若朝事不治。宰相之罪也。邊鄙不寧。將帥之罪也。人君闕失。不知羣臣邪正不分。諫官御史之罪也。皇帝學問不進。臣等之罪也。至於皇帝早夜起居之節。嗜欲之際。此最切身之事。豈可無任其責者乎。陛下博覽史冊。洞知古今。古之帝王何嘗不以女色損壽考之福。惟傷於太早。敗於無節耳。忍之至此。可為切骨之戒。臣所以不避誅戮。為陛下言之。伏望陛下與皇太后太妃詳論此事。有損聖德。未益聖體。宜戒敕保傅。令以章惠為法。今聖心已有所知。雖不能防於未形。猶可以止其將然。俟中宮既建。然後漸廣繼嗣之路。則陛下亦可以不勞聖慮矣。今若不知止節。女色爭進。數年之後。敗德亂政。無所不有。陛下雖欲悔之。豈可及乎。臣竊觀皇帝天質純粹。有上聖之質。年益長。則宜德益進。方當嚮學。以養聖功。天下引領以望輝光之新。頃耳以聽名譽之隆。聰明之開發。

睿智之深遠。皆繫於十五六之時。不可失也。陛下必欲皇帝氣體康強。德性成就。以為宗社無疆。莫切於今日矣。不宜先以好色聞於天下。失衆庶之望。臣所以拳拳而不能已也。惟陛下深思遠慮。察臣狂瞽之言。

祖禹又奏曰。臣伏見今月一日以後。羣臣累拜表請聽樂。所請愈繁。而批答愈緩。以此見太皇太后陛下。皇帝陛下。仁心孝性深遠無窮。發於至誠。有所未忍。今已批答允許。臣竊恐有司請置宴開樂。不敢不先言之。臣愚以為居喪則行喪禮。在吉則行吉禮。除喪之後。如遇吉禮。即可聽樂。不當特置一宴以開樂為名。君子之於喪服。以為至痛之極。不得已而除之。若以嗣樂故特設宴。則似除服而慶賀。非君子不得已而除之之意也。臣以請雖至七月。其開樂宴亦更不作。唯因事則聽樂。庶合先王禮意。

徽宗時。左司諫江公望上奏曰。臣聞理無隱而不彰。事無晦而不顯。言君子之樞機。故不可不謹。居其室出其言善。則千里之外應之。况其邇者乎。居其室出其言不善。則千里之外違之。况其邇者乎。惟君為風。下民為草。草上之風。未有不偃者也。故有所不言。言無不彰。有所不為。為無不顯。君唱之下民。未有不應者也。陛下居九重之中。可謂崇深闕遠。臣民耳目之所不接。一有出言未嘗不彰。一有所為未嘗不顯。蓋民離之則愚。合之則神。合衆論則崇深闕遠者皆得而知之。皆得而議之。臣側聞陛下邇來政事之暇。蓄能鳴善。闕之禽籠。奇羽佳喙之鳥。以資賞翫之習。使誠有之。亦未足以善治也。然臣讀書至於五子之歌。知太康之失邦。不過內作色荒。外作禽荒而已。所謂禽荒。不必馳騁畋獵。然後為荒也。心有欲而不禁。則志荒。志荒則政怠矣。昔唐太宗之時。臺使有諷李大亮以名鷹為獻。而大亮密表以

陸下絕畋獵久矣。求鷹必非陛下意。而太宗悅其正諫。玄宗遣使求
鳩鵲鷓鴣於南方。而倪若水上言。以賤人貴鳥。非所以望陛下。而玄
宗賞其說。向使二君縱欲而無度。拒諫而不改。豈復有貞觀開元之
盛治乎。若以為資房闈之悅。豈不聞華陽后樊姬之所為乎。秦王好
淫聲。而華陽后為下聽。鄭衛之樂。楚嚴好畋獵。而樊姬為不食鳥獸
之肉。口非惡味也。耳非惡聲也。抑所好以率二君於無過之地。爾。中
宮淑質。德音。母儀天下。未聞有過舉。事出於陛下為之中。中宮嘗以華
陽后樊姬之事。以相警戒矣。若事出於中宮。以資戲樂。陛下當以關
雎求賢。葛覃尊傳。以相規正。故刑于二女。所以為大舜。刑于寡妻。所
以美文王。歟。惟陛下財幸。

公望又上言曰。臣邇日傳聞道路之言。有姓賈中貴人。臂鷓鴣入後
苑。捕逐禽鳥。臣未之信。豈有禁禦之中。雖是近習之人。敢肆福祿一

至於此。徐思之。必偵得聖意。然後敢爾。再思之。陛下未應至此。然終
疑而不釋也。陛下所以得天下者。以仁而已。豈有仁者之君。而務遊
畋者乎。又况陛下即政方踰年。未明求衣。日昃不食。刻意勵志。好賢
樂善。聽言從諫。期底于道。尚恐負宗廟社稷之靈。無以慰天下蒼生
之望。豈復有暇逐禽獸為樂乎。春蒐冬狩。特重於祭祀之禮。豈復有
巢先戒於生誕。滋育之時。豈有仁者之君。不因奉先祭祀。顧於生誕
滋育可戒之時。為毀卵拆巢之虐乎。千金之子。尚有無堂之戒。萬乘
之主。豈無犯車之虞。和鸞而節清道而行。猶意於銜檟之變。况馳騁
驅逐。與禽獸爭道於萬死一生之地。豈不殆哉。豈有仁者之君。不自
愛重。而為虞人之所為乎。得一禽則喧呼號護。分賜金帛。不恤其費。
豈有仁者之君。輕百姓之膏血。以重微禽之軀乎。臣以此揆之。陛下
必不然也。雖然。以其後事而引悔。孰若先事而知戒。此臣所以不惜

萬死雖得之傳聞之不審亦為陛下道而不敢隱也。五子之歌曰。內作色荒。外作禽荒。有一於此。未或不亡。老聃曰。馳騁田獵。令人心發狂。心狂志荒。何事不亡。莊周曰。用志不分。乃凝於神。志分於外。神亦隨之。神志不一。何事不失。王者之治。斷可識矣。夫鳥托深林。獸育豐草。魚鱉不亂於網罟。草木不夭於斤斧。人不苦於苛政。斯乃仁者之君。所以治天下之道也。昔文王有靈德。故麋鹿白鳥在其囿。而有濯濯翯翯之態。魚在其沼。而得充牣跳躍之樂。陛下不大苑囿之奉。數畝之地。蠶動飛走。恃陛下天地之仁德。依陛下日月之末光。生誕滋育。得性之樂。不異於文王之囿。今反張喙橫羽。延喘假息於馳騁。嗥噪之間。碎首決心。飛毛灑血於猛鷲。爪翮之下。數畝之地。依陛下尚不得保全其生。况四海九州山林川澤之廣遠。何以逃無辜夭折之禍哉。蠢動雖微。與人同一性也。坐植雖遠。與人同一理也。以強并弱。

以貴吞賤。以其不能告訴。殺之若無罪。豈不思易所謂信及豚魚。詩之仁及草木。果何理也。嘗聞荆文公得如黃之狗。備路之贈。政於雲臺。一月不反。聽保申之諫。受東矢之答。務治乎荆。兼國三十。非師保之訓。則國亡矣。唐玄宗嘗獵苑中。必眎左右曰。宰相韓休知否。已而疏輒至。非宰相之言。則社稷計已矣。司馬相如賦上林。以諷漢武帝。揚雄作羽獵。以諫成帝。言近而旨遠。詞婉而意迫。孰謂詞臣無補於國也。詩有刺。虞有箴。皆以游畋之無益於治。祇取亂亡爾。今陛下師保不陳。訓宰相不抗。疏詞臣六獻賦。書無歌。詩無刺。虞人無箴。所賴以知過失者。諫臣爾。臣或不言。陛下如宗廟社稷。何如天下蒼生。何。臣言縱不實。亦足以為異日之鑒。唐高祖喜走馬射。孫伏伽進諫。以謂此直少年諸王務爾。既為天子尚行之乎。齊威公以酒腐於趙。得無害霸乎。管仲以此固非善。然無害霸也。夫從禽正少年諸王務。

也。陛下一日為之。未足以言王政。第以天子為諸王少年之務。何自輕乃爾。非萬乘取重於天下之道也。傳有之。耕道而得道。獵德而得德。臣願陛下驅騫於仁義之場。游觀於六經之圃。網多士。弋群凶。天宇掃清。王道砥平。天下之望也。社稷宗廟之福也。上干天威。自速誅戮。陛下矜其以諫為職。少貸狂易。天下幸甚。

欽宗靖康元年。左司諫陳公輔上奏曰。臣竊惟陛下以孟享累靈。東西二宮。遂幸陽德。伍神觀。臣誠淺陋。不熟本朝故事。不知享親之後。退而游幸。祖宗有是例邪。但近世為之。若近世為之。自不可為法。設或祖宗之例。亦有可議焉。夫誠心齋戒。以薦祖廟。仰瞻英靈。如在其上。退而思之。不忘乎心。豈容於此日擁嬪御。具聲樂。肆游幸之樂耶。臣恐此舉不足以示孝也。臣又觀陛下自初即位。恭謝之時。輿服朴素。儀衛簡少。與夫供帳什物。伶倫宦侍。皆少如今日。而百姓見之。莫

不歡欣感戴。以手加額。謂陛下恭儉之德。過乎仁祖矣。至于今日之出。輿服鮮明。儀衛衆多。與夫供帳什物。伶倫宦侍。皆盛如前時。而百姓見之。已有相顧駭歎。竊議之者。安知其不腹誹心謗。謂陛下恭儉之德。不及仁祖。仰惟陛下聖性淵懿。聰明勤儉。自養德東宮。以至即位。未嘗少變。臣料今日之事。必左右近習之臣。以謂陛下有崇高富貴之勢。當務為先榮。盛大以夸耀一時之觀聽。夫貴為天子。富有四海。區區於此。示天下以不廣也。況今寇難未平。民力未裕。財用未饒。臣下之奢。僭未革。風俗之侈靡未除。全在陛下躬儉節用。如大禹文王以救今日之弊。豈可漸為奢靡。異乎初即位時。使百姓議之手。臣竊為陛下不取也。太上皇帝奉養素厚。陛下不可薄於親。必須損已所有。以供奉之。若陛下不自過為儉約。而供奉上皇。又欲豐厚。天下財用。何以給之哉。臣愚欲望陛下今後孟享既畢。即詔車駕還宮。其

餘游幸。除龍德寧德二宮外。皆願暫罷。臣又慮上皇既深居外宮。非時不出。恐陛下亦自不當游幸。仍望鑾輿之出。務令簡儉。但如初即位時可也。此臣得於百姓之言。不敢不冒死以聞。然陛下無以百姓之言為非。彼見陛下自初即位簡儉如此。今不兩月。儀物稍多。自此若天下無事後。豈不復肆侈靡之好邪。非獨百姓憂之。臣固以為深憂也。傳曰。有始有卒。首其惟聖人乎。伏惟陛下謹終如始。俾盛德大業遠躋。唐虞三代實宗廟社稷之福。而天下之幸也。

程